

26 января 2025 по н. ст.

Ссылка на последование: <https://cerkva.minei.ru/glas/showSlugba?id=28616&dayId=30816>

Ссылка на день календаря: <https://cerkva.minei.ru/glas/indiktDay?id=30816>

13 Января 2025 года, Воскресение, (А266), Глас 6. Служба Воскресная в соединении с полиелейной службой Преподобного Иринарха Затворника, Ростовского чудотворца и Попрáзднство Просвещéния

ВСЕНОЩНОЕ БДЕНИЕ ВЕЛИКАЯ ВЕЧЕРНЯ

Диáкон: Востáните!

Хор: Благословí.

Иерей: Слава Святéй, и Единосúщней, и Животворящей, и Нераздéльной Трóице всегда, ны́не и прíсно, и во вéки векóв.

Хор: Амíнь.

Священнослужíтели в алтарé:

Приидíte, поклонímся Царéви нашему Бóгу.

Приидíte, поклонímся и припадём Христу́ Царéви нашему Бóгу.

Приидíte, поклонímся и припадём Самому́ Христу́, Царéви и Бóгу нашему.

Приидíte, поклонímся и припадём Ему́.

Псалóм 103, предначинáтельный:

Хор: Благословí, душе́ моя, Гóспода./ Благословén еси́, Гóсподи./ Гóсподи, Бóже мой, возвели́чился еси́ зело́./ Благословén еси́, Гóсподи./ Вся премúдростию сотворíл еси́./ Слава Ти, Гóсподи, сотворíвшему вся.

Слава Отцу́ и Сы́ну и Свято́му Духу, и ны́не и прíсно и во вéки векóв. Амíнь.

Аллилу́иа, аллилу́иа, аллилу́иа, слава Тебе́ Бóже. (Трижды)

Вели́кая ектенíя:

Диáкон: Мíром Гóсподу помóлимся.

Хор: Гóсподи, помíлуй.

Диáкон: О Свьíшнем мíре и спасéнии душ наших, Гóсподу помóлимся.

О мíре всего́ мíра, благостоя́нии Святых́ Бóжих Церквéй и соединéнии всех, Гóсподу помóлимся.

О святém хра́ме сем и с вéрою, благоговéнием и стра́хом Бóжиим входя́щих во нь, Гóсподу помóлимся.

О вели́ком Господíне и Отце́ нашем Святéйшем Патриáрхе **(Имярек)**, и о Господíне нашем, Высокопреосвящённейшем митрополíte (или: архиепíскопе, или: преосвящённейшем епíскопе **имярек**), честнém пресвiтерстве, во Христé диа́констве, о всем причте и людех, Гóсподу помóлимся.

О Богохрани́мей странé нашей, властéх и во́инстве ея, Гóсподу помóлимся.

О гра́де сем (или о вéси сей), вся́ком гра́де, странé и вéрою живу́щих в них, Гóсподу помóлимся.

О благорастворéнии возду́хов, о избы́лии пло́дов земных́ и вре́менех мiрных, Гóсподу помóлимся.

О пла́вающих, путеше́ствующих, недугующих, стра́ждущих, пленённых и о спасéнии их. Гóсподу помóлимся.

О изба́виться нам от вся́кия скóрби, гнéва и ну́жды, Гóсподу помóлимся.

Заступí, спасí, помíлуй и сохрани́ нас, Бóже, Твоею́ благода́тию.

Пресвяту́ю, Пречисту́ю, Преблагословéнную, Сла́вную Влады́чицу нашу́ Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бóгу преда́дим.

Хор: Тебе́, Гóсподи.

Иерей: Яко подобает Тебѣ всякая слава честь и поклонение, Отцу и Сыну и Святому Духу, ныне и присно и во веки веков.

Хор: Амѣнь.

Блажен муж:

Хор: Блажен муж, иже не иде на совет нечестивых.

Аллилуиа, аллилуиа, аллилуиа.

Яко весть Господь путь праведных, и путь нечестивых погибнет.

Аллилуиа, аллилуиа, аллилуиа.

Работайте Господеви со страхом и радуйтесь Ему с трепетом.

Аллилуиа, аллилуиа, аллилуиа.

Блажени вси надеющиеся Нань.

Аллилуиа, аллилуиа, аллилуиа.

Воскресни, Господи, спаси мя, Боже мой.

Аллилуиа, аллилуиа, аллилуиа.

Господне есть спасение, и на людех Твоих благословение Твое.

Аллилуиа, аллилуиа, аллилуиа.

Слава Отцу и Сыну и Святому Духу.

Аллилуиа, аллилуиа, аллилуиа.

И ныне и присно и во веки веков. Амѣнь.

Аллилуиа, аллилуиа, аллилуиа.

Аллилуиа, аллилуиа, аллилуиа, слава Тебѣ Боже. *(Трижды)*

Ектенiя малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Амѣнь.

Господи, возвах, глас 6:

Хор: Господи, возвах к Тебѣ, услыши мя./ Услыши мя, Господи./ Господи, возвах к Тебѣ, услыши мя:/ вонми гласу моления моего,/ внигда возвати ми к Тебѣ./ Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ – жертва вечерняя./ Услыши мя, Господи.

Стихиры воскресные, глас 6:

На10.Стих: Изведи из темницы душу мою, исповедатися имени Твоему.

Стихира: Побѣду имея, Христѣ, юже на ада, на Крест возшел еси: да во тьме смерти сидящая воскресиши с Собою, Иже в мертвых свободь, источаяя живот от Своего света, всеильне Спасе, помилуй нас.

Стих: Менé ждúт праведницы, дóндеже воздáси мнé.

Стихи́ра: Днесь Христо́с сме́рть попрáв, я́коже рече́, воскресе́, и ра́дование ми́рови дарова́, да всí взывáюще, пéснь та́ко рцём: исто́чнице жи́зни, непристу́пный све́те, всеси́льне Спа́се, поми́луй на́с.

На 8. Стих: Из глубины́ воззва́х к Тебе́, Го́споди, Го́споди, услы́ши глас мо́й.

Стихи́ра: Тебе́, Го́споди, су́щаго по все́й тва́ри, грéшнии ка́мо бежим? На небеси́ Са́м живе́ши, во а́де попрáл еси́ сме́рть, во глубины́ морски́я? Та́мо рука́ Твоя́, Влады́ко. К Тебе́ прибега́ем, Тебе́ припада́юще мо́лимся: Воскреси́й из ме́ртвых, поми́луй на́с.

Праздника Просвещенiя Подóбень: Дóме Евфра́фов: (из стиховных вечерни) Глас 2

Стих: Да бу́дут у́ши Твои́, внéмлюще гласу́ молéния моего́.

Стихи́ра: Яви́ся Оте́ческое / сия́ние сла́вы / во Иорда́нских струя́х, / Креще́нием очища́ющее // скве́рну душ на́ших.

На 6. Стих: А́ще беззакóния на́зриши, Го́споди, Го́споди, кто постои́т? // Я́ко у Тебе́ очище́ние е́сть.

Стихи́ра: Приими́ раболéпно, / проро́че Иоáнне, / Изба́вителя ми́ра, / и крести́ Зижди́теля, // челове́ков на обновле́ние.

Стих: Имене́ ра́ди Твоего́ потерпéх Тя, Го́споди, потерпé душа́ моя́ в сло́во Твое́, // упова́ душа́ моя́ на Го́спода.

Стихи́ра: Прии́де Просвеще́ние, / и Избавле́ние яви́ся / во Иорда́нских струя́х: / сни́демся очисти́тися // и воспéти Человеколю́бца.

Преподобнаго Иринарха Глас 8

На 4. Стих: От стра́жи у́тренния до но́щи, от стра́жи у́тренния, // да упова́ет Изра́иль на Го́спода.

Стихи́ра: Ра́дуйтесь, правосла́вных собóри! / В странé Ростовстей подви́жник чу́ден возсия́, / путе́м у́зким шéствовавый к Сиóну Го́рнему, / Иринáрх затво́рник и веригонóсец, / у́зы Христо́вы вы́ну помина́яй, / у́зами желе́зными любве́ ра́ди Христо́вы себе́ связа́вый, / к нему́же, вопию́ще, рцем: / уго́днице Спа́сов, помоли́ся ко Го́споду, / да спасéт ду́ши на́ша, я́ко Милосéрд.

Стих: Я́ко у Го́спода ми́лость, и мно́гое у Него́ избавле́ние, // и Той изба́вит Изра́иля от всех беззакóний его́.

Стихи́ра: Ра́дуйтесь, правосла́вных собóри! / В странé Ростовстей подви́жник чу́ден возсия́, / путе́м у́зким шéствовавый к Сиóну Го́рнему, / Иринáрх затво́рник и веригонóсец, / у́зы Христо́вы вы́ну помина́яй, / у́зами желе́зными любве́ ра́ди Христо́вы себе́ связа́вый, / к нему́же, вопию́ще, рцем: / уго́днице Спа́сов, помоли́ся ко Го́споду, / да спасéт ду́ши на́ша, я́ко Милосéрд.

На 2. Стих: Хвали́те Го́спода вси язы́цы, // похвали́те Его́ вси лю́дие.

Стихи́ра: О, пресла́внаго зра́ка! / Нов подви́жник благоче́стия в Ростóве яви́ся, / Иринáрх, у́зник Христо́в, / его́же терпéнию чудя́щися, / того́ па́мьть моли́твенно почита́ем / и целе́бную си́лу от него́ приéмлем, зову́ще и глаго́люще: / уго́днице Спа́сов, / помоли́ся к просла́вльшему тя Го́споду / дарова́ти нам мир и ве́лию ми́лость.

Стих: Я́ко утверди́ся ми́лость Его́ на нас, // и и́стина Госпо́дня пребывáет во век.

Стихи́ра: **О**, пресла́внаго чудесе́!/ Ка́ко ты, о́тче Иринáрше,/ в брénней плóти Ангелы безплóтныя удивíл еси́/ и, человекъ быв пёрстен,/ áки вне тéла, злострадáния мýжески переносíл еси́ вóльно?/ Моли́ся, о́тче преподóбне,/ о нас, чту́щих тя, ко Гóсподу,/ да дару́ет нам, грéшным, покая́ние,/ мир и ве́лию мiлость.

Преподобнаго Иринарха Глас 6

Сла́ва Отцу́ и Сы́ну и Свято́му Ду́ху.

Егда́ услышал еси́, о́тче,/ глас Божéственный от ико́ны распя́тия Христо́ва,/ в затво́ре сраспина́тися Христу́ тебе́ повелева́ющ,/ áбие в хра́мине тéсней себе́ затвори́л еси́/ и, у́жем желе́зным в ней прикова́вся,/ многоле́тне, в постé и моли́тве, подви́зáлся еси́,/ да Христу́ Бо́гу благоуго́ден яви́шия,/ Ему́же помоли́ся, преподóбне,/ да не лишít и нас насле́дия Небе́снаго.

Догмáтик, глас 6:

И ны́не и прiсно и во ве́ки веко́в. Ами́нь.

Кто́ Тебе́ не ублажи́т, Пресвята́я Де́во? Кто́ ли не воспоёт Твоего́ Пречи́стаго Рожде́ства? Безле́тно бо от Отца́ Возсия́вый Сы́н Единоро́дный, То́йже от Тебе́, Чи́стыя, прóйде, неизрече́нно вопло́щся, естество́м Бо́г сый, и естество́м бы́в Челове́к на́с ра́ди, не во двою́ лицу́ Разделя́емый, но во Двою́ Естеству́ неслитно Познава́емый. Того́ моли́, Чи́стая, Всеблаже́нная, поми́ловатися душа́м на́шим.

Вход с кади́лом:

Диáкон: Прему́дрость, прóсти.

Свете́ Тiхий:

Хор: Свете́ Тiхий святы́я сла́вы Безсме́ртнаго Отца́ Небе́снаго, Свята́го, Блаже́ннаго, Иису́се Христе́! Прише́дше на за́пад со́лнца, ви́девши свет вече́рний, поём Отца́, Сы́на и Свята́го Ду́ха, Бо́га. Досто́ин еси́ во вся времена́ пет бы́ти гла́сы преподóбными, Сы́не Бо́жий, живо́т да́й; те́мже мир Тя сла́вит.

Диáкон: Во́ннем.

Иерей: Мир всем.

Хор: И ду́хови твоemú.

Проки́мен воскре́сный:

Диáкон: Прему́дрость во́ннем. Проки́мен, глас 6-й:

Госпо́дь воцари́ся, в ле́поту облече́ся.

Хор: Госпо́дь воцари́ся, в ле́поту облече́ся.

Диáкон: Облече́ся Госпо́дь в си́лу, и препоя́сая.

Хор: Госпо́дь воцари́ся, в ле́поту облече́ся. *(На ка́ждый стих)*

Стих 2. Ибо утверди́ вселенну́ю, я́же не подви́жится.

Стих 3. До́му Твоему́ подобáет святы́ня, Гóсподи, в долготу́ дней.

Диáкон: Госпо́дь воцари́ся.

Хор: В ле́поту облече́ся.

Паремии Преподобнаго Иринарха:

Диáкон: Премудрость.

Чтец: Премудрости Соломóни чтéние

Диáкон: Вóннем.

(главы 5 и 6):

Чтец: Прáведницы во вéки живу́т, и в Го́споде мзда их,/ и попечéние их у Вы́шняго./ сегó рáди приимут цáрствие благолéпия/ и венéц добрóты от руки́ Господни/ занé десни́цею покрýет я́ и мышцею защити́т их./ Приимет всеорúжие рвéние своё/ и вооружит тварь в месть врагом./ Облечéтся в броня́ прáвды/ и возложит шлем суд нелицемéрен./ Приимет щит непобедимый преподобне,/ поострит же напрáсный гнев во ору́жие,/ спобóрет же с ним мир на безумныя./ Пойдут праволúчныя стрéлы мóлниины/ и, я́ко от благокру́гла лúка облако́в, на намéрение по́летят,/ и от каменомéтныя я́рости испóлнь падúт грады./ Вознегодúет на них вода́ морская́,/ рéки же потóпят я́ на́гло./ Сопротив стáнет им дух си́лы/ и, я́ко вихор, развéет их,/ и опустошит всю зéмлю беззакóние,/ и злодéйство превратит престóлы си́льных./ Слы́шите úбо, цáрие, и разумéйте,/ навýкните, судий концев зéмли./ Внушите, держа́щие мно́жества/ и гордя́щиеся о нарóдах язы́к,/ я́ко данá есть от Го́спода держа́ва вам/ и си́ла от Вы́шняго.

Диáкон: Премудрость.

Чтец: Премудрости Соломóни чтéние

Диáкон: Вóннем.

(глава 3):

Чтец: Прáведных дúши в руцé Бóжией,/ и не прикóснется их мýка./ Непщевáни бы́ша во очесéх безумных умрéти,/ и вмени́ся озлоблéние исхóд их,/ и éже от нас шéствие – сокрушéние,/ они́ же суть в ми́ре./ и́бо пред лицéм челове́ческим áще и мýку приимут,/ упováние их безсмéртня испóлнено./ И вмáле наказани бы́вшие, вели́кими благодéтельствовани бúдут,/ я́ко Бог искуси́ я́ и обре́те их достóйны Себé./ Я́ко зláто в горни́ле, искуси́ их/ и, я́ко всеплóдие жéртвенное, прият я́./ И во врéмя посещéния их возсияют/ и, я́ко и́скры по стéблию, потеку́т./ Сýдит язы́ком и облада́ют людью́и,/ и воцарит́ся Господь в них во вéки./ Надéющися Нань разумéют и́стину/ и вёрнии в любви́ пребúдут ему́,/ я́ко благодáть и мило́сть в преподобных его́/ и посещéние во избрáнных его́.

Диáкон: Премудрость.

Чтец: Премудрости Соломóни чтéние

Диáкон: Вóннем.

(глава 4):

Чтец: Прáведник, áще пости́гнет скончáтися, в покóи бúдет: стáрость бо честнá не многолéтна, ниже́ в числé лéт исчитáется. Седи́на же éсть мýдрость челове́ком, и вóзраст стáрости жити́е несквёрно. Благоуго́ден Бо́гу бы́в, возлю́блен бы́сть, и живый посреде́ грéшник престáвлен бы́сть, восхищён бы́сть, да не злóба изменит рáзума его́ или́ лéсть прельсти́т дúшу его́. Рачéние бо злóбы помрачáет дóбрая и парéние пóхоти пременя́ет ум незлóбив. Скончáвся вмáле, испóлни лéта дóлга, уго́дна бо бé Го́сподеви дúшá его́, сегó

ради потщася от среды лукавствия. Людие же видевше и не разумевше, ниже положше в помышлении таково, яко благодать и милость в преподобных Его и посещение во избранных Его.

Ектенiя сугубая:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **(Имярек)**, и о Господине нашем Высокопреосвященнейшем митрополите (или: архиепископе, или: преосвященнейшем епископе **имярек**), и всей во Христе братии нашей.

Еще молимся о Богохранимей стран нашей, властей и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святого храма сего, и о всех преждепочивших отцев и братьях, где лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Сподоби, Господи:

Хор: Сподоби, Господи, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. Аминь.

Ектенiя просительная:

Диакон: Исполним вечернюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Вечера всего совершенна, свята, мирна и безгрешна у Господа просим.

Хор: Пода́й, Го́споди. (На каждое прошение)

Диáкон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебé, Го́споди.

Иерей: Яко Благ и Человеколюбец Бог еси, и Тебé славу возсылаем, Отцу́ и Сы́ну и Свято́му Ду́ху, ны́не и прiсно и во ве́ки веко́в.

Хор: Амiнь.

Иерей: Мир всем.

Хор: И ду́хови твоeму́.

Диáкон: Главы́ наша Господеви приклоним.

Хор: Тебé, Го́споди.

Иерей: Буди держа́ва Царствiя Твоего́ благословена и препрославлена. Отца́ и Сы́на и Свята́го Ду́ха, ны́не и прiсно и во ве́ки веко́в.

Хор: Амiнь.

Лития:

Далее стихиры Праздника Просвещенiя Подобенъ: Дóме Евфра́фов: Глас 2:

Хор: Явiся Отеческое / сияние славы / во Иорданских струях, / Крещением очищающее // скверну душ наших.

Стихира:

Приими раболепно, / проро́че Иоáнне, / Избавителя мира, / и крестí Зиждителя, // человеков на обновлениe.

Стихира:

Прииде Просвещениe, / и Избавлениe явiся / во Иорданских струях: / снiдемся очiститися // и воспéти Человеколю́бца.

Далее стихиры Преподобнаго Иринарха Подобенъ: Дóме Евфра́фов: Глас 2:

Стихира:

Егда́ откровением Божественным, / óтче Иринарше, / повеление приял еси, / е́же в затворе Господеви поработати, / вспять ника́коже озирáтися дерзнул еси, / сего́ ради от Господа венéц славы приял еси, преподобне, / Емуже помоли́ся, / да спасёт и просветит души́ наша.

Стихира:

Егда́ иноплемénная рать найдет на обитель твою́, преподобне, / ты ляхов не утрашилсá еси, / но прозорливо тем провозвестил еси, / я́ко во отечество своё возвратитися не íмут. / Та́ко ты Христос мужеством и силою духовною прослави, / Емуже помоли́ся, преподобне, / да спасёт и просветит души́ наша.

Стихира Преподобнаго Иринарха Глас 6:

Слáва Отцú и Сыну и Свято́му Дúху.

Стихира:

Приидите, иноков ли́цы и по́стников собо́р, / пёсньми духо́вными добраго
ино́ка и по́стника почти́м, / преподо́бнаго отца́ на́шего Иринарха, /
свети́льника Росто́ву и всея́ Росси́и удо́брение, / нов о́браз по́двига духо́внаго
нам показáвшаго, / у́зника добропрои́звольна бы́вшаго, / чудес́ благода́тию
ны́не сия́юща. / Его́ всечестну́ю па́мь ны́не ублажа́ем, / мо́лится бо Христу́
Бо́гу / дарова́ти ми́ру мир и ду́шам на́шим ве́лию ми́лость.

Богородичен Праздника Просвещенiя (зри на стíховнь у́трени) Глас 8:

И ны́не и при́сно и во ве́ки веко́в. Ами́нь.

Стихира:

*Днесь тварь просвещается, / днесь всяческая веселятся, / Небесная вкупе и земная, /
Ангели и человецы смешаются, / идеже бо Царёво пришествие, и чин приходит. /
Тецём убо на Иордан / и видим вси Иоанна: / како крещает Верх Нерукотворенный и
Безгрешный? / Темже, апостольский глас припевающе, согласно возопиём: / явися
благодать Божия спасительная всем человеком, // озаряющи и подающи верным
велию милость.*

Диáкон: Спаси́, Бо́же, лю́ди Твоя́ и благослови́ досто́яние Твое́, посети́ мир Твой ми́лостию и щедро́тами,
возвы́си рог христиáн правосла́вных и низпосли́ на ны ми́лости Твоя́ богáтыя, мо́литвами всепречи́стыя
Влады́чицы на́шея Богороди́цы и Присноде́вы Мари́и, си́лою Честна́го и Животворя́щаго Креста́,
предста́тельства честных Небесных Си́л безплóтных, честна́го, сла́внаго проро́ка, Предте́чи и Крестите́ля
Иоáнна, святых́ сла́вных и всехва́льных Апóстол, и́же во святых́ отец на́ших и вселёнских вели́ких учите́лей и
святите́лей, Васи́лия Вели́каго, Григóрия Богосло́ва и Иоáнна Златоуста́го, и́же во святых́ отца́ на́шего Никола́я,
архиепи́скопа Мирликийскаго, чудотворца́, святых́ равноапóстольных Мефодия́ и Кири́лла, учите́лей
словёнских, святых́ равноапóстольных вели́каго кня́зя Влади́мира и вели́кия кня́гини Ольги, и́же во святых́
оте́ц на́ших: святите́ля Михаи́ла, пёрвого митрополи́та Кие́вскаго, первосвятите́лей Моско́вских и всея́ Руси́:
Петра́, Алекси́я, Ио́ны, Мака́рия, Фили́ппа, Иова́, Ермоге́на и Тихона́, митрополи́тов Моско́вских Филаре́та,
Иннокенти́я и Мака́рия. Святых́, сла́вных и добропобедных мучеников, новомучеников и исповедников Цёркве
Ру́сская: Влади́мира, митрополи́та Кие́вскаго, Вениамина́, митрополи́та Петрогра́дскаго, Петра́, митрополи́та
Крути́цкаго, Иларио́на, архиепи́скопа Верейскаго, святых́ ца́рственных страстоте́рпцев, преподобномучениц
вели́кия кня́гини Елиса́веты и ино́кини Варва́ры, преподобных и богонóсных отец на́ших, преподобных отец
ста́рцев Опти́нских, святых́ пра́ведных Иоáнна Кроншта́дтскаго и Алекси́я Моско́вскаго, святых́ блаже́нных
Ксе́нии Петербу́ржския и Матро́ны Моско́вския, святых́ и пра́ведных богооте́ц Иоакима́ и А́нны (и святаго
имярек , его́же есть храм и его́же есть день), и всех святых́. Мо́лим Тя́, многоми́лостиве Го́споди, услы́ши нас,
грешных, моля́щихся Тебе́, и поми́луй нас.

Хор: Го́споди, поми́луй. **(40 раз)**

Диáкон: Ещё́ мо́лимся о Вели́ком Госпо́дине и отец на́шем Святе́йшем Патриáрхе (**Имярек**) , и о госпо́дине
на́шем преосвяще́ннейшем митрополи́те (или архиепи́скопе, или еписко́пе **имярек**) и о всем во Христе́
братстве́ на́шем, и о вся́кой души́ христиáнстей, скорбя́щей же и озлобленней, ми́лости Бо́жия и по́мощи
требу́ющей; о покрове́нии гра́да сего́, и живу́щих в нем, о ми́ре, и состоя́нии всего́ мира; о благостоя́нии святых́
Бо́жих церкве́й; о спасе́нии и по́мощи со тща́нием и стра́хом Бо́жиим тружда́ющихся и служа́щих отец и
брати́й на́ших; о оста́вльшихся и во отше́ствии су́щих; о исцеле́нии в немо́щех лежа́щих; о успе́нии, осла́бе,
блаже́нней па́мьти и о оста́влении грехо́в всех пре́ждеотше́дших отец и брати́й на́ших, zde лежа́щих и повсю́ду
правосла́вных; о изба́влении пленённых, и о брати́ях на́ших во слúжба́х су́щих, и о всех служа́щих и служив́ших
во свята́м хра́ме сем рцем.

Хор: Гóсподи, помíлуй. (50 раз)

Диáкон: Ещѣ молимся о еже сохранитися граду сему, и святому храму сему, и всякому граду и странѣ, от глада, губительства, труса, потопа, огня, мечá, нашествiя иноплемѣнников и междоусобных брани; о еже милостиву и благоувѣтливу быти благому и человеколюбивому Богу нашему, отвратити всякий гнев на ны движимый, и избавити ны от належащаго и праведнаго Своего прещенiя и помиловати ны.

Хор: Гóсподи, помíлуй. (Трижды)

Диáкон: Ещѣ молимся и о еже услышати Гóсподу Богу глас моленiя нас, грѣшных, и помиловати нас.

Хор: Гóсподи, помíлуй. (Трижды)

Иерей: Услыши ны, Боже, Спасителю наш, упованiе всех концѣв земли и сущих в мори далече, и милостив, милостив буди, Владыко, о гресѣх наших, и помíлуй ны. Милостив бо и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Хор: Амíнь.

Иерей: Мир всем.

Хор: И духови твоему.

Диáкон: Главы ваша Гóсподеви приклоните.

Хор: Тебѣ, Гóсподи.

Иерей: Владыко многомилостиве, Гóсподи Иисусе Христѣ, Боже наш, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных Небесных Сил безплотных, честнаго, славнаго пророка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отца нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших: святителя Михаила, перваго митрополита Киевскаго, первосвятителей Московских и всея Руси: Петра, Алексия, Ионы, Макария, Филиппа, Иова, Еромогена и Тихона, митрополитов Московских Филарета, Иннокентия и Макария. Святых, славных и добропобедных мучеников, новомучеников и исповедников Църкве Русския: Владимира, митрополита Киевскаго, Вениамина, митрополита Петроградскаго, Петра, митрополита Крутицкаго, Илариона, архиепископа Верейскаго, святых царственных страстотерпцев, преподобномучениц великия княгини Елисаветы и инокини Варвары, преподобных и богоносных отец наших, преподобных отец старцев Оптинских, святых праведных Иоанна Кронштадтскаго и Алексия Московскаго, святых блаженных Ксении Петербуржския и Матроны Московския, святых и праведных богоотец Иоакима и Анны (и святаго имярек, егоже есть храм и егоже есть день), и всех святых. благоприятну сотвори молитву нашу, даруй нам оставление прегрешений наших, покрый нас кровом крилу Твоею, отжени от нас всякаго врага и супостата, умири нашу жизнь. Гóсподи, помíлуй нас и мир Твой, и спаси души наша, яко благ и человеколюбец.

Хор: Амíнь.

Стихиры на стиховне:

Стихиры воскресные, глас 6:

Стихира: Воскресение Твое, Христѣ Спасе, Ангели поют на Небесех, и нас на земли сподоби, чистым сердцем Тебѣ славити.

Стих: Господь воцарися, / в лепоту облечеса.

Врата сокрушив медная, и вереи адовы сотрый, яко Бог всесильен, род человеческий падший воскресил еси. Сего ради и мы согласно вопием:

Воскресый из мёртвых, Господи, слава Тебѣ.

Стих: Ибо утверди вселенную, / яже не подвижется.

Тленiя нас древняго Христос исправити хотя, на Крестѣ пригвождается, и во гробѣ полагається, Егѡже миронѡсицы жены со слезами искаху, плачуща глаголаху: увы нам, Спасе всех, како изволил еси во гробѣ вселитися? Вселивыйся же хотя, како украден был еси? Како преложился еси? Коѣ же место Твое Живонѡсное сокры Тѣло? Но, Владыко, яко обещался еси нам явися, и утоли от нас рыдание слез. Плачущимся же им, Ангел к ним возопи: от плача преставша Апостолом рцыте, яко воскресѣ Господь, миру даруя очищение, и велию милость.

Стих: Дѡму Твоему подобает святыня, / Господи, в долготу дней.

Распныйся яко восхотѣл еси, Христѣ, и смѣрть погребѣнием Твоим Пленивый, триднѣвен воскресл еси, яко Бог со славою, миру даруя безконечную жизнь, и велию милость.

Слава Отцу и Сыну и Святому Духу

Стихира Преподобнаго Иринарха Глас 8:

Пѡстника Господня, узника Христова, / затворника благоумиленнаго / и чудотворца преславнаго, / Иринарха преподобнаго / пѣсньми духовными, братие, почтим / и молѣбно к нему возопим: / Ангелов подобниче и человеков наставниче, / научи ны ходити путем Богоугѡдных исправлений твоих / и молитвами твоими избави ны осужденiя вѣчнаго.

И ныне и присно и во веки веков. Аминь.

Праздника Просвещенiя Глас 8:

Ангельская вѡинства ужасбшася о видимем днесь во Иорданѣ, / нагу стоящу Ти, Спасе, в водах, / и пречистый верх Твой преклоншу креститися от Иоанна. / Тебѣ бо обнищавшу волею, мир обогатися: // Господи, слава Тебѣ.

Молитва святого Симеона Богоприимца:

Хор: Ныне отпускаеши раба Твоего, Владыко, / по глаголу Твоему, с миром; / яко видеста очи мои спасение Твое, / еже еси уготовал пред лицом всех людей, / свет во откровение языков, // и славу людей Твоих Израиля.

Трисвятѡе по Отче наш:

Чтец: Святыи Бѡже, Святыи Крепкий, Святыи Безсмѣртный, помилуй нас.
(Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим;

и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

Тропарь Богородицы, глас 4:

Богородице Дево, радуйся, / Благодатная Марие, Господь с Тобю: /
благословена Ты в женах / и благословен Плод чрева Твоего, // яко Спаса
родила еси душ наших. *(Дважды)*

Тропарь Праздника Просвещения Глас 1:

Во Иордане крещаящуся Тебе, Господи, / Тройческое явися поклонение: /
Родителей бо глас свидетельствоваше Тебе, / возлюбленного Тя Сына именуя, /
и Дух в виде голубине, / известоваше словесе утверждение. / Явлейся Христе
Боже, / и мир просвещей, слава Тебе.

Благословение хлебов:

Диакон: Господу помолимся.

Хор: Господи, помилуй.

Иерей: Господи Иисусе Христе Боже наш, благословивый пять хлебов и пять тысяч насытивый, Сам
благослови и хлебы сия, пшеницу, вино и елей; и умножи сия во граде сем и во всем мире Твоем; и
вкушающыя от них верныя освяти. Яко Ты еси благословляяй и освящяяй всяческая, Христе Боже наш,
и Тебе славу возсылаем, со Безначальным Твоим Отцем, и Всесвятым, и Благим, и Животворящим
Твоим Духом, ныне и присно и во веки веков.

Хор: Аминь. Буди Имя Господне благословено от ныне и до века. *(Трижды)*

Псалом 33:

Хор: Благословлю Господа на всякое время, / выну хвалу Его во устех моих. / О
Господе похвалится душа моя, / да услышат кротцыи, и возвеселятся. /
Возвеличите Господа со мною, / и вознесем Имя Его вкупе. / Взысках Господа, и
услыша мя, / и от всех скорбей моих избави мя. / Приступите к Немю, и
просветитесь, / и лица ваша не постыдятся. / Сей нищий воззва, и Господь
услыша и, / и от всех скорбей его спасе и. / Ополчится ангел Господень окрест
боящихся Его, / и избавит их. / Вкусите и видите, яко благ Господь: / блажен
муж, иже уповает на Нь. / Бойтесь Господа, вси святии Его, / яко несть лишения
боящимся Его. / Богатии обнищаша и взалкаша: / взыскающии же Господа // не
лишатся всякаго блага.

Иерей: Благословение Господне на вас, Того благодатию и человеколюбием, всегда, ныне и присно и во
веки веков.

Хор: Аминь.

УТРЕНЯ.

Шестопсалмие:

Хор: Слава в вышних Богу, и на земли мир, в человецех благоволение.
(Трижды)

Господи, устне мои отверзешу, и уста моя возвестят хвалу Твою. (Дважды)

Псалом 3:

Чтец: Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не боюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Аз уснух, и спях, востах, яко Господь заступит мя.

Псалом 37:

Господи, да не яростию Твоею обличиши мене, ниже гневом Твоим накажешу мене. Яко стрелы Твоя унзюша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наоблнися поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобою все желание мое и въздыхание мое от Тебе не утайся. Сердце мое смятеша, остави мя сила моя, и свет очию моею, и той несть со мною. Друзи мои и искреннии мои прямо мне приближися и сташа, и ближнии мои отдалече мене сташа и нуждахуся ищущи душу мою, и ищущи злая мне глаголаху суетная и льстивным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои: и вегда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу и попекуся о гресе моем. Врази же мои живут и укрепятся паче мене, и умножися ненавидящии мя без правды. Воздающии ми злая възлагая оболгаху мя, зане гонях благостыню. Не остави мене, Господи Боже мой, не отступи от Мене. Вонми в помощь мою, Господи спасения моего.

Не остави мене, Господи Боже мой, не отступи от Мене. Вонми в помощь мою, Господи спасения моего.

Псалом 62:

Боже, Боже мой, к Тебе утреню, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похвалите Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних

поучáхся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части листовом будут. Царь же возвеселится о Бозе, похвалится всяк кленыйся Им, яко заградися уста глаголющих неправедная.

На утренних поучáхся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Псалом 87:

Господи Боже спасения моего, во дни возвах, и в ночи пред Тобю. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от Мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе руке мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отреси душу мою, отвращаеши лице Твое от Мене? Нищ есмь аз, и в трудех от юности моя; вознес же ся, смирихся, и изнемогах. На мне преидоша гнѣви Твои, устрашения Твоя возмутisha мя, обыдоша мя яко вода, весь день одержаша мя вкупе. Удалил еси от Мене друга и искреняго, и знаемых моих от страстей.

Господи Боже спасения моего, во дни возвах, и в ночи пред Тобю. Да внидет пред Тя молитва моя: приклони ухо Твое к молению моему.

Псалом 102:

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от исления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказал пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца гневается, ниже во век враждует, не по

беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящи слово Его, услышати глас словес Его. Благословите Господа вся Силы Его, слуги Его, творящи волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от Мене, и уподоблюся низходящым в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Великая ектения:

Диакон: Миром Господу помолбимся.

Хор: Господи, помилуй. *(На каждое прошение)*

Диакон: **О** Свѣшнем мире и спасенiи душ наших, Господу помолбимся.

О мире всего мира, благостоянии Святых Божиих Церквей и соединении всех, Господу помолбимся.

О святем храме сем и с верою, благоговением и страхом Божиим входящих в онь, Господу помолбимся.

О великом Господине и Отце нашем Святейшем Патриархе **(Имярек)**, и о Господине нашем, Высокопреосвященнейшем митрополите (или: архиепископе, или: преосвященнейшем епископе **имярек**),

честнѣм пресвѣтерствѣ, во Христѣ диáконствѣ, о всем причтѣ и людѣх, Господу помóлимся.

О Богохранímей странѣ нáшей, властѣх и вóинствѣ ея, Господу помóлимся.

О граде сем (или о вѣси сей), всяком граде, странѣ и вѣрою живущих в них, Господу помóлимся.

О благорастворенiи воздúхов, о изобилiи плодóв земнýх и врѣменех мирных, Господу помóлимся.

О плавающих, путешественных, недугующих, страждущих, плененных и о спасенiи их. Господу помóлимся.

О избáвиться нам от всякия скорби, гнѣва и нýжды, Господу помóлимся.

Заступи, спаси, помилуй и сохрани нас, Бóже, Твоею благодáтию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живóт наш Христу Бóгу предадим.

Хор: Тебѣ, Господи.

Иерей: Яко подобает Тебѣ всякая слава честь и поклоненiе, Отцу и Сыну и Святому Дúху, ныне и присно и во вѣки веков.

Хор: Амíнь.

Бог Господь, глас 6:

Диáкон: Бог Господь, и явился нам, благословен Грядый во Имя Господне.

Стих 1: Исповѣдайтесь Господеву, яко благ, яко в век милость Его.

Хор: Бог Господь, и явился нам, благословен Грядый во Имя Господне. *(И далее на каждый стих)*

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повѣм дела Господня.

Стих 4: Камень, Егóже небрегóша зиждущи, Сей бысть во главу угла, от Господа бысть Сей, и есть дивен во очесех наших.

Тропарь воскресный, глас 6:

Хор: Ангельския Силы на гробѣ Твоем, и стрегущи омертвѣша: и стояше Марiа во гробѣ, ищущи Пречистаго Тѣла Твоего. Пленил еси ад, не искусився от него: срѣтил еси Дѣву даруяй живóт. Воскресый из мѣртвых, Господи, слава Тебѣ. *(Дважды)*

Слава Отцу и Сыну и Святому Дúху.

Тропарь Преподобнаго Иринарха Глас 4:

Яко мученика добропроизвольна/ и преподобных удобренiе,/ звезду Ростовскую,/ в затворѣ, узах и веригах Господеву благоугодившаго/ и чудес благодать от Него приемшаго,/ Иринарха предивнаго пѣсньми хвалѣбными почтим/ и, к нему припадающе, умильно глаголем:/ óтче преподобне, моли Христа Бóга/ спастися душам нашим.

И ныне и присно и во вѣки веков. Амíнь.

Тропарь Праздника Просвещенiя Глас 1:

Во Иорданѣ крещаящуся Тебѣ, Господи,/ Трóйческое явися поклоненiе:/ Родителей бо глас свидѣтельствоваше Тебѣ,/ возлюбленнаго Тя Сына именуя,/ и Дух в виде голубине,/ извествоваше словесе утвержденiе./ Явлейся Христѣ Бóже,/ и мир просвещей, слава Тебѣ.

Кафизмы:

Хор: Господи, помилуй. *(Трижды)*

Слáва Отцú и Сыну и Святому Дúху.

Чтец: И ны́не и прiсно и во ве́ки веко́в. Ами́нь.

Кафiзма вторáя:

Псалóм 9:

Исповéмся Тебé, Гóсподи, всем сёрдцем моiм, повéм вся чудеса́ Твоя́. Возвеселю́ся и возра́дуюся о Тебé, пою́ и́мени Твоему́, Вы́шний. Внегда́ возврати́тся врагу́ моему́ вспя́ть, изнемо́гут и поги́бнут от лица́ Твоего́. Яко сотвори́л еси́ суд мой и прю́ мою, сел еси́ на Престо́ле, судя́й пра́вду. Запрети́л еси́ язы́ком, и поги́бе нечестивый, и́мя его́ потреби́л еси́ в век и в век ве́ка. Врагу́ оскуде́ша ору́жия в ко́нec, и гра́ды разруши́л еси́, поги́бе па́мьят его́ с шу́мом. И Гóспо́дь во век пребы́вает, угото́ва на суд Престо́л Свой, и Той суди́ти и́мать вселéнней в пра́вду, суди́ти и́мать лю́дем в правоте́. И бысть Гóспо́дь прибе́жище убо́гому, помо́щник во благовре́мениих, в ско́рбех. И да упова́ют на Тя зна́ющии и́мя Твое́, я́ко не оста́вил еси́ взыска́ющих Тя, Гóсподи. По́йте Гóсподеви, живу́щему в Сиóне, возвести́те во язы́цех начинáния Его́, я́ко взыска́яй кро́ви их помяну́, не забы́ зва́ния убо́гих. Помилуй мя, Гóсподи, виждь смире́ние моё́ от враг моiх, возно́сяй мя от врат сме́ртных, Яко да возвещу́ вся хвалы́ Твоя́ во врата́х дщере́ Сиóни, возра́дуемся о спасе́нии Твое́м. Углебо́ша язы́цы в па́губе, ю́же сотвори́ша, в се́ти сей, ю́же скры́ша, увязе́ нога́ их. Зна́емь есть Гóспо́дь судьбы́ творя́й, в де́лах руку́ своею́ увязе́ грéшник. Да возвратя́тся грéшницы во ад, вси язы́цы забывáющии Бóга. Яко не до ко́нec забвён бу́дет ни́щий, терпе́ние убо́гих не поги́бнет до ко́нec. Воскресни́, Гóсподи, да не крепи́тся челове́к, да су́дятся язы́цы пред Тобо́ю. Поста́ви, Гóсподи, законоположи́теля над ни́ми, да разуме́ют язы́цы, я́ко челове́цы суть. Вску́ю, Гóсподи, отстоя́ далече́, презира́еши во благовре́мениих, в ско́рбех? Внегда́ горди́тися нечестивому́, возгара́ется ни́щий, увязáют в советех, я́же помышля́ют. Яко хвали́мь есть грéшный в по́хотех души́ своея́, и обидя́й благослови́мь есть. Раздражи́ Гóспода грéшный, по мно́жеству гне́ва своего́ не възы́щет, несть Бóга пред ним. Оскверня́ются пути́е его́ на вся́ко вре́мя, отъёмлю́тся судьбы́ Твоя́ от лица́ его́, все́ми враги́ свои́ми облада́ет. Рече́ бо в сёрдце своём, не подви́жуся от ро́да в род без зла, его́же кля́твы уста́ его́ по́лна суть, и го́рести и льсти, под язы́ком его́ труд и болéзнь. Приседи́т в лови́тельстве с богáтыми в та́йных, е́же уби́ти непови́ннаго, о́чи его́ на ни́щаго призира́ете. Лови́т в та́йне я́ко лев во огра́де свое́й, лови́т е́же восхитити ни́щаго, восхитити ни́щаго, внегда́ привлещи́ и в се́ти свое́й. Смирит́ его́, прекло́нится и паде́т, внегда́ ему́ облада́ти убо́гими. Рече́ бо в сёрдце своём: забы́ Бог, отврати́ лице́ Своё́, да не ви́дит до ко́нec. Воскресни́, Гóсподи Бóже мой, да вознесёт́ся рука́ Твоя́, не забу́ди убо́гих Твои́х до ко́нec. Чесó ра́ди прогне́ва нечестивый Бóга? Рече́ бо в сёрдце своём: не възы́щет. Ви́диши, я́ко Ты болéзнь и я́рость смотре́еши, да пре́дан бу́дет в ру́це Твои́, Тебé оста́влен есть ни́щий, си́ру Ты бу́ди помо́щник. Сокруши́ мышцу́ грéшному́ и лука́вому, възы́щется грех его́ и не обря́щется. Гóспо́дь Царь во век и в век ве́ка, поги́бнете, язы́цы, от земли́ Его́. Желáние убо́гих услы́шал еси́, Гóсподи,

уготóванию сёрдца их внят úхо Твое. Судí сiру и смирену, да не приложит ктому величáтися человек на земли.

Псалом 10:

На Гóспода уповáх, кáко речёте души моей: превитáй по горáм, я́ко пти́ца? Я́ко се, грёшницы налякóша лук, уготóваша стрёлы в ту́ле, состреля́ти во мра́це прáвья сёрдцем. Зане́ я́же Ты совершил еси́, они́ разруши́ша, прáведник же что сотвори́? Гóсподь во хра́ме святе́м Своём. Гóсподь, на Небесí Престо́л Его́, óчи Его́ на ни́щаго призира́ете, ве́жди Его́ испытáете сы́ны челове́ческа. Гóсподь испытáет прáведнаго и нечестíваго, любя́й же неправду ненави́дит свою́ ду́шу. Одождíт на грёшники сёти, огонь и жупел, и дух буре́н часть ча́ши их. Я́ко прáведен Гóсподь, и прáвды возлюбí, правоты́ ви́де лице́ Его́.

Чтец: **Сла́ва Отцу́ и Сы́ну и Свято́му Ду́ху.**

Хор: **И** ны́не и прiсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Гóсподи, помíлуй. (Трижды)

Сла́ва Отцу́ и Сы́ну и Свято́му Ду́ху.

Чтец: **И** ны́не и прiсно и во ве́ки веко́в. Ами́нь.

Псалом 11:

Спасí мя, Гóсподи, я́ко оскуде́ преподóбный, я́ко умáлишася и́стины от сыно́в челове́ческих. Су́етная глаго́ла кийждо ко и́скреннему своему́, устне́ льсти́выя в сёрдце, и в сёрдце глаго́лаша злáя. Потреби́т Гóсподь вся устны́ льсти́выя, язы́к велеречи́вый, ре́кшыя: язы́к наш возвели́чим, устны́ на́ша при нас суть, кто нам Гóсподь есть? Стра́сти ра́ди ни́щих и воздыхáния убо́гих ны́не воскресну́, глаго́лет Гóсподь, положу́ся во спасе́ние, не обвиню́ся о нем. Слова́ Гóсподня слова́ чiста, серебро́ разжже́но, искуше́но земли́, очище́но седмери́цею. Ты, Гóсподи, сохрани́ши ны и соблюде́ши ны от ро́да сегó и во век. Окрест нечестíвии хóдят, по высоте́ Твое́й умно́жил еси́ сы́ны челове́ческа.

Псалом 12:

Докóле, Гóсподи, забуде́ши мя до конца́? Докóле отвращáеши лице́ Твое́ от мене́? Докóле положу́ советы́ в души́ моей, болёзни в сёрдце моём день и ночь? Докóле вознесётся враг мой на мя? При́зри, услы́ши мя, Гóсподи Бо́же мой, просветí óчи мои́, да не когда́ усну́ в смерть, да не когда́ речёт враг мой, укрепíхся на него́. Стужáющие ми возра́дуются, а́ще подви́жуся. Аз же на мiлость Твою́ уповáх, возра́дуется сёрдце моё́ о спасе́нии Твое́м, воспóю Гóсподеви́ благоде́явшему мне и пою́ и́мени Гóспода Вы́шняго.

Псалом 13:

Рече́ безу́мен в сёрдце своём: несть Бог. Раствлéша и омерзи́шася в начинáнии, несть творя́й благосты́ню. Гóсподь с Небесé приниче на сы́ны челове́ческа, видети, а́ще есть разумева́яй или́ взыска́яй Бо́га. Всеи уклони́шася, вку́пе неключи́ми бы́ша: несть творя́й благосты́ню, несть до еди́наго. Ни ли́ уразуме́ют всеи де́лающие беззакóние, снеда́ющие лю́ди моя́ в снeдь хлéба?

Господа не призваша. Тамо убояшася страха, идеже не бе страх, яко Господь в роде праведных. Совет нищаго посрамите, Господь же упование его есть. Кто даст от Сиона спасение Израилево? Внегда возвратит Господь пленение людей Своих, возрадуется Иаков, и возвеселится Израиль.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 14:

Господи, кто обитает в жилищи Твоем? Или кто вселится во святую гору Твою? Ходяй непорочен и делаяй правду, глаголяй истину в сердце своем. Иже не ульсти языком своим и не сотвори искреннему своему зла, и поношения не прият на ближния своя. Уничжен есть пред ним лукавнуй, боящия же ся Господа славит, кленыйся искреннему своему и не отменяся. Сребра своего не даде в лихву и мзды на неповинных не прият. Творяй сия не подвижится во век.

Псалом 15:

Сохрани мя, Господи, яко на Тя уповах. Рех Господеви: Господь мой еси Ты, яко благих моих не требуши. Святым, иже суть на земли Его, удивил Господь вся хотения Своя в них. Умножишася немощи их, по сих ускориша: не соберу соборы их от кровей, ни помяну же имен их устнама моима. Господь часть достояния моего и чаши моея, Ты еси устраяяй достояние мое мне. Ужа нападоша ми в державных моих, ибо достояние мое державно есть мне. Благословлю Господа, вразумившаго мя, еще же и до нощи наказаша мя утробы моя. Предзрех Господа предо мною выну, яко одесную мене есть, да не подвижуся. Сего ради возвеселися сердце мое, и возрадовася язык мой, еще же и плоть моя вселится на уповании. Яко не оставиши душу мою во аде, ниже даси преподобному Твоему видети истления. Сказал ми еси пути живота, исполниши мя веселия с лицем Твоим, красота в деснице Твоей в конец.

Псалом 16:

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возглаблют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удивил милости Твоя, спасаая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящи мя ныне обыдоша мя, очи свои возложиша

уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животе их, и сокровенных Твоих исполнися чрево их, насытишася сынов, и оставиша останки младенцем своим. Аз же правдою явлюся лицу Твоему, насыщуся, внигда явити ми ся славе Твоей.

Чтец: Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Седальны воскресные, глас 6:

Гробу отверсту, аду плачущуся, Мариа вопияше ко скрывшимся апостолом: изыдите винограда делателие, проповедите Воскресения слово: воскресе Господь, подая миру велию милость.

Стих: Воскресни Господи Боже мой, да вознесется рука Твоя, / не забуди убогих Твоих до конца.

Господи, предстояше гробу Твоему Мариа Магдалина, и плакаше вопиющи, вертоградаря Тя мнящи, глаголаше: где сокрыл еси вечный Живот? где положил еси, иже на престоле Херувимстем¹¹? стрегущи бо сего, от страха омертвеша. Или Господа моего дадите ми, или со мною возопийте: иже в мертвых быв, и мертвыя воскресив, слава Тебе.

Слава Отцу и Сыну и Святому Духу и ныне и присно и во веки веков. Аминь.

Богородичен: Благословенную нареки Твою Матерь, / пришел еси на страсть вольным хотением, / возсияв на Кресте, взыскати хотя Адама, / глаголя Ангелом: / срадуйтесь Мне, яко обретется погибшая драхма. / Вся мудре устроивый, / Боже наш, слава Тебе.

Хор: Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. Аминь.

Кафизма третья:

Псалом 17:

Возлюблю Тя, Господи, крепосте моя. Господь утверждение мое, и прибежище мое, и Избавитель Мой, Бог мой, Помощник мой, и уповаю на Него, Защититель мой, и рог спасения моего, и Заступник мой. Хваля призову Господа и от враг моих спасуся. Одержаша мя болезни смертныя, и потоцы беззакония смятоша мя, болезни адовы обыдоша мя, предвариша мя сети смертныя. И вегда скорбети ми, призвах Господа, и к Богу моему возвах, услыша от храма Святаго Своего глас мой, и вопль мой пред Ним внидет во уши Его. И подвижеся, и трепетна бысть земля, и основания гор смятошася и подвигошася, яко прогнеvasя на ня Бог. Взыде дым гневом Его, и огонь от лица Его воспламенится, углие возгореся от Него. И приклони небеса, и сниде, и мрак под ногами Его. И взыде на Херувимы, и лете, лете на крилу ветреню. И положи тму закров Свой, окрест Его селение Его, темна вода во облацех воздушных. От облистания пред Ним облацы проидоша, град и углие огненное. И возгреме с Небес Господь и Вышний даде глас Свой. Низпосла стрелы и разгна я, и молнии умножи и смяте я. И явися источницы водни, и открышася основания вселенныя, от запрещенiя Твоего, Господи, от дохновения духа гнева Твоего. Низпосла с высоты, и прият мя, восприят мя от вод многих. Избавит мя от врагов моих сильных и от ненавидящих мя, яко утвердишася паче мене. Предвариша мя в день озлобления моего, и бысть Господь утверждение мое. И изведе мя на широту, избавит мя, яко восхотел мя. И воздаст ми Господь по правде моей и по чистоте руку мою воздаст ми. Яко сохраних пути Господни и не нечествовах от Бога моего. Яко вся судьбы Его предо мною и оправдания Его не отступиша от мене. И буду непорочен с Ним, и сохранюся от беззакония моего. И воздаст ми Господь по правде моей и по чистоте руку мою пред очима Его. С преподобным преподобен будеши, и с мужем неповинным неповинен будеши, и со избранным избран будеши, и со строптивым развратишия. Яко Ты люди смиренныя спасеши и очи гордых смириши. Яко Ты просветиши светильник мой, Господи, Боже мой, просветиши тму мою. Яко Тобою избавлюся от искушения и Богом моим преиду стену. Бог мой, непорочен путь Его, словеса Господня разжжена, Защититель есть всех уповающих на Него. Яко кто бог, разве Господа? или кто бог, разве Бога нашего? Бог препоясуяй мя силою, и положи непорочен путь мой. Совершаяй ноге мой, яко елени, и на высоких поставляяй мя. Научаяй руке мой на брань, и положил еси лук медян мышца моя. И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. Уширил еси стопы моя подо мною, и не изнемогосте плесне мой. Пожену враги моя, и постигну я, и не возвращуся, дондеже скончаются. Оскорблю их, и не возмогут стати, падут под ногами мойма. И препоясал мя еси силою на брань, спял еси вся востающыя на мя под мя. И врагов моих дал ми еси хребет, и ненавидящыя мя потреби еси. Возваша, и не бе спасаая: ко Господу, и не услыша их. И истню я яко прах пред лицом ветра, яко брение путей поглажду я. Избавиши мя от пререkania людей, поставиши мя во главу языков. Людие, ихже не ведех, работаша ми. В слух уха послушаша мя. Сынове чуждии солгаша ми. Сынове чуждии обеташа и

охромóша от стезь своих. Жив Господь, и благословен Бог, и да вознесется Бог спасения моего. Бог дай отмщение мне и покоривый люди под мя. Избавитель мой от враг моих гневливых, от востающих на мя вознесши мя, от мужа неправедна избавиши мя. Сего ради исповемся Тебе во языцех, Господи, и имени Твоему пою: величаяя спасения царева, и творяя милость христу Своему Давиду, и семени его до века.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 18:

Небеса поведают славу Божию, творение же руку Его возвещает твердь. День дни отрыгает глагол, и ночь ночи возвещает разум. Не суть речи, ниже словеса, ихже не слышатся гласи их. Во всю землю изыде вещание их и в концы вселенныя глаголы их. В солнце положи селение Свое, и Той, яко Жених исходяй от чертога Своего, возрадуется, яко Исполн теши путь. От края небес исход Его, и сретение Его до края небес, и несть иже укрыется теплоты Его. Закон Господень непорочен, обращаая души, свидетельство Господне верно, умудряющее младенцы. Оправдания Господня права, веселящая сердце, заповедь Господня светла, просвещающая очи. Страх Господень чист, пребывая в век века: судьбы Господни истинны, оправданы вкупе, вожделенны паче злата и камене честна многа, и слаждша паче меда и сота. Ибо раб Твой хранит я, внегда сохранить я, воздаяние много. Грехопадения кто разумет? От тайных моих очисти мя, и от чуждых пощади раба Твоего, аще не обладают мною, тогда непорочен буду и очищуся от греха велика. И будут во благоволение словеса уст моих, и поучение сердца моего пред Тобою выну, Господи, Помощниче мой и Избавителю мой.

Псалом 19:

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь Христа Своего, услышит его с Небес Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовем. Тии спяти быша и падоша, мы же востахом и исправихомся. Господи, спаси царя и услыши ны, воньже аще день призовем Тя.

Псалом 20:

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его

венѣц от камене чѣстна. Животá просилъ есть у Тебѣ, и далъ еси ему́ долготу́ дней во векъ вѣка. Вѣлия слава его́ спасенiем Твоимъ, славу и велелѣпие возложиши на него́. Яко да́си ему́ благословенiе во векъ вѣка, возвеселиши его́ радостию с лицѣм Твоимъ. Яко царь упова́ет на Гóспода, и мiлостию Вы́шняго не подви́жится. Да обря́щется рука́ Твоя́ всемъ врагóм Твоимъ, десница́ Твоя́ да обря́щетъ вся ненави́дящия Тебѣ. Яко положиши ихъ яко пещь о́гненную во время́ лица́ Твоего́, Гóсподь гнѣвом Своимъ смятѣтъ я, и снѣсть ихъ огонь. Плодъ ихъ от земли́ погубиши, и сѣмя ихъ от сыно́въ человѣческихъ. Яко уклони́ша на Тя злая́, помыслиша совѣты, ихже не возмо́гутъ состави́ти. Яко положиши я́ хребѣтъ, во избы́тцех Твоихъ угото́виши лице́ ихъ. Вознеси́ся, Гóсподи, си́лою Твоею́, воспоём и поёмъ си́лы Твоя́.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и прiсно и во вѣки веко́в. Ами́нь.

Аллилу́иа, аллилу́иа, аллилу́иа, сла́ва Тебѣ́ Бо́же. *(Трижды)*

Гóсподи, помилуй. *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и прiсно и во вѣки веко́в. Ами́нь.

Псалóм 21:

Бо́же, Бо́же мой, вонми́ ми, вскую́ оста́вилъ мя еси́? Далече́ от спасенiя моего́ словеса́ грехопадѣний моихъ. Бо́же мой, воззову́ во дни, и не услышиши, и в но́щи, и не в безумiе мне. Ты же во Святе́м живѣши, хвало́ Израилева. На Тя упова́ша отцы́ на́ши, упова́ша и избáвилъ еси́ я. К Тебѣ́ воззва́ша, и спасо́шася, на Тя упова́ша, и не постыде́шася. Аз же есмь червь, а не человекъ, поноше́ние челове́ков и уничи́женiе люде́й. Все ви́дящии мя поругáша ми ся, глаго́лаша устна́ми, покива́ша главою́: упова́ на Гóспода, да избáвит его́, да спасѣтъ его́, яко́ хощетъ его́. Яко Ты еси́ истóргий мя из чре́ва, упова́ние мое́ от сосцу́ ма́тере моея́. К Тебѣ́ привѣрженъ есмь от ложесн, от чре́ва ма́тере моея́ Бог мой еси́ Ты. Да не отступиши от мене́, яко́ скорбь близъ, яко́ несть помога́й ми. Обыдо́ша мя тельцы́ мно́зи, юнцы́ тучнии одержáша мя. Отверзо́ша на мя уста́ своя́, яко́ левъ восхища́й и рыка́й. Яко вода́ излихся, и разсы́пашася вся ко́сти моя́, бысть се́рдце мое́ яко́ воск, та́яй посреде́ чре́ва моего́. Изсше́ яко́ скуде́ль кре́пость моя́, и язы́къ мой прильпе́ гортáни моему́, и в персть сме́рти свелъ мя еси́. Яко́ обыдо́ша мя пси́ мно́зи, сонмъ лука́вых одержáша мя, ископа́ша ру́це мои́ и но́зе мои́. Исчето́ша вся ко́сти моя́, тии же смотре́ша и презре́ша мя. Раздели́ша рiзы́ моя́ себе́, и о оде́жди мое́й мета́ша жребий. Ты же, Гóсподи, не удали́ по́мощь Твою́ от мене́, на заступле́ние мое́ вонми́. Избáви от ору́жия ду́шу мою́, и из руки́ пѣсии́ единоро́дную мою́. Спаси́ мя от устъ льво́выхъ и от ро́г единоро́жь смире́ние мое́. Повѣмъ и́мя Твое́ бра́тии мое́й, посреде́ це́ркве воспою́ Тя. Боящи́ися Гóспода, восхвали́те Его́, все сѣмя́ Иáковле, просла́вите Его́, да убойт́ся же от Него́́ все сѣмя́ Израилево. Яко́ не уничи́жи, ниже́ негодова́ моли́твы ни́щаго, ниже́ отврати́ лице́ Своѣ́ от мене́, и егда́ воззва́х к Нему́, услы́ша мя. От Тебѣ́ похвала́ моя́, в це́ркви вели́цей испове́мся Тебѣ́, моли́твы моя́ возда́м предъ боящи́мися Его́́. Яды́т убóзии и насы́тятся, и восхва́лят Гóспода взыска́ющии Его́́, жива́́ будут се́рдца́ ихъ во векъ вѣка. Помяну́тся и

обратятся ко Господу вси концы земли, и поклонятся пред Ним вся отечествия язык. Яко Господне есть царствие, и Той обладает языки. Ядóша и поклонишася вси тóчнии земли, пред Ним припадóт вси низходящи в зéмлю, и душа моя Тому живёт. И сéмя моё поработает Ему, возвестит Господеви род грядóщий. И возвестят правду Его людям рóждшымся, яже сотвори Господь.

Псалом 22:

Господь пасёт мя, и ничтóже мя лишит. На мéсте злáчне, тáмо всели мя, на водé покóйне воспита мя. Душу мою обрати, настави мя на стези правды, имене ради Своего. Аще бо и пойду посреде сени смёртныя, не убоюся зла, яко Ты со мною еси, жезл Твой и пáлица Твоя, та мя утэшиста. Уготовал еси предо мною трапéзу сопротив стужáющим мне, умастил еси елéом главу мою, и чáша Твоя упоявáющи мя, яко держáвна. И мiлость Твоя поженёт мя вся дни живота моего, и ёже вселити ми ся в дом Господень, в долготу дней.

Псалом 23:

Господня земля, и исполнениe ея, вселенная и вси живóщи на ней. Той на морях основáл ю есть, и на реках уготóвал ю есть. Кто взыдет на гóру Господню? или кто стáнет на мéсте святем Его? Неповiнен рукама и чист сёрдцем, иже не прият всуе душу свою, и не клятся лéстию искреннему своему. Сей примет благословениe от Господа, и мiлостыню от Бóга, Спáса своего. Сей род ищущих Господа, ищущих лице Бóга Иáковля. Возмите врата князи вáша, и возмитесь врата вéчная, и внидет Царь славы. Кто есть сей Царь славы? Господь крепок и силен, Господь силен в брáни. Возмите врата князи вáша, и возмитесь врата вéчная, и внидет Царь славы. Кто есть сей Царь славы? Господь сил, Той есть Царь славы.

Чтец: Слава Отцу и Сыну и Святому Духу и ныне и присно и во веки веков. Ами́нь.

Аллилу́иа, аллилу́иа, аллилу́иа, слава Тебе́ Бо́же. *(Трижды)*

Ектения малая:

Диáкон: Па́ки и па́ки ми́ром Господу помóлимся.

Хор: Господи, помилуй.

Диáкон: Заступи, спаси, помилуй и сохрани нас, Бо́же, Твоею благодáтию.

Хор: Господи, помилуй.

Диáкон: Пресвяту́ю, Пречисту́ю, Преблагословенну́ю, Славну́ю Владычицу нашу Богородицу и Присноде́ву Марию, со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

Хор: Тебе́, Господи.

Иерей: Яко Благ и Человеколюбец Бог еси, и Тебе́ славу возсыла́ем, Отцу́, и Сыну, и Святому́ Духу, ны́не и присно, и во веки веков.

Хор: Ами́нь.

Седальны воскресные, глас 6:

Живóт во грóбе возлежáше, и печáть на кáмени надлежáше: яко Царя́ спяща вóини стрежáху Христа́, и враги́ Своя́ невидимо порази́вый, воскресе Господь.

Стих: Исповѣмся Тебѣ Господи всемъ сердцемъ моимъ,/ повѣмъ вся чудеса Твоя.

Преднаписуетъ Иона гробъ Твой, и скажетъ Симеонъ востание Божественное, безсмертне Господи: сошелъ бо еси яко мертвъ во гробъ, разрушивый адова врата. Воскресл же еси кроме тления яко Владыка, во спасение мира, Христѣ Божѣ нашъ, просветивый сущыя во тмѣ.

Слава Отцу и Сыну и Святому Духу и ныне и присно и во веки вековъ. Аминь.

Богородичен Богородице Дѣво, моли Сына Твоего, волею пригвожденнаго на Крестѣ, и воскресшаго изъ мертвыхъ Христа Бога нашего, спастиися душамъ нашимъ.

Полиелей:

Хор: Хвалите Имя Господне, хвалите, раби Господа.

Аллилуиа, аллилуиа, аллилуиа.

Благословенъ Господь отъ Сиона, живый во Иерусалиме.

Аллилуиа, аллилуиа, аллилуиа.

Исповѣдайтесь Господеву, яко Благ, яко в векъ милость Его.

Аллилуиа, аллилуиа, аллилуиа.

Исповѣдайтесь Богу Небесному, яко в векъ милость Его.

Аллилуиа, аллилуиа, аллилуиа.

Величание:

Духовенство: Ублажаемъ тя, / преподобне отче Иринарше, / и чтемъ святую память твою, / наставниче монаховъ / и собеседниче Ангеловъ.

Хор: Ублажаемъ тя, / преподобне отче Иринарше, / и чтемъ святую память твою, / наставниче монаховъ / и собеседниче Ангеловъ.

Псаломъ избранный:

Хор: Терпя, потерпѣхъ Господа, и внятъ ми, и услыша молитву мою. / Постажи на камени нозѣ мои и исправи стопы моя. / Се удалихся, бѣгая, и водворихся в пустыни. / Уподобихся неясоти пустынной. / Бдехъ и быхъ, яко птица, осбѣщаяся на зде. / Колѣна моя изнемогоста отъ поста, / и плоть моя изменися елѣя ради. / Предзрѣхъ Господа предо мною выину, яко одесную менѣ есть, да не подвижуся. / В си языцы обыдоша мя, и Именемъ Господнимъ противляхся имъ. / Благословенъ Господь, Иже не даде насъ в ловитву зубомъ ихъ. / Хранитъ Господь души преподобныхъ Своихъ. / Восхвалятся преподобнии во славе и возрадуются на ложахъ своихъ. / Честна предъ Господемъ смерть преподобныхъ Его. / Пойте Господеву, преподобнии Его, и исповѣдайте память святыни Его, во всехъ людехъ чудеса Его.

Тропарі воскресныя, глас 5:

Хор: Благословенъ еси, Господи,/ научи мя оправданиемъ Твоимъ./

Ангельскій соборъ удивися,/ зря Тебѣ въ мертвыхъ вменившася,/ смертную же, Спасе, крепость разоривша,/ и с Собою Адама воздвигша, // и от ада вся свободяща.

Благословен еси, Господи, / научи мя оправданием Твоим. /

Почто́ мира с милостивными слезами, / о ученицы растворяете? / Блистайся во гробе́ ангел / мираносицам вещаше: / видите вы гроб и уразумейте, // Спас бо воскресе от гроба.

Благословен еси, Господи, / научи мя оправданием Твоим. /

Зело́ рано мираносицы течаху / ко гробу Твоему́ рыдающия, / но предста́ к ним ангел, и рече: / рыдания время преста́, не пла́чите, // воскресение же апостолом рцы́те.

Благословен еси, Господи, / научи мя оправданием Твоим. /

Мираносицы жены́, с мiры пришедша / ко гробу Твоему́, Спа́се, рыдаху, / ангел же к ним рече, глаго́ля: / что с мёртвыми Жива́го помышляете? // Яко Бог бо воскресе от гроба.

Сла́ва Отцу́ и Сы́ну и Свято́му Ду́ху. /

Поклонимся Отцу́, / и Его́ Сы́нови, и Свято́му Ду́ху, / Святе́й Троице во еди́ном существе́, с Серафимы зову́ще: / Свят, Свят, Свят еси́, Господи.

И ны́не и при́сно и во ве́ки веко́в. Ами́нь. /

Жизнода́вца ро́ждши, / греха́, Де́во, Ада́ма изба́вила еси́, / ра́дость же Еве в печа́ли ме́сто подала́ еси́; / па́дшия же от жи́зни / к сей напра́ви, // из Тебе́ воплотивыйся Бог и Чело́век.

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Ектенiя ма́лая:

Диáкон: Па́ки и па́ки мiром Го́споду помóлимся.

Хор: Го́споди, поми́луй.

Диáкон: Заступи́, спаси́, поми́луй и сохрани́ нас, Бо́же, Твоею́ благода́тию.

Хор: Го́споди, поми́луй.

Диáкон: Пресвяту́ю, Пречисту́ю, Преблагословенну́ю, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Благослови́ся Имя́ Твое́, и просла́вится Ца́рство Твое́, Отца́ и Сы́на и Свята́го Ду́ха ны́не и при́сно и во ве́ки веко́в.

Хор: Ами́нь.

Ипако́й, глас 6:

Во́льною и животворя́щею Твоею́ сме́ртию, Христе́, врата́ а́дова сокруши́в я́ко Бо́г, отве́рзл еси́ на́м дре́вний ра́й, и воскрес из мёртвых, изба́вил еси́ от тле́ния живо́т на́ш.

Седа́льны по полиелее:

Седален Преподобнаго Иринарха

Глас 4:

Зва́нию Господню́ последовав, óтче, / в затворе́ неисходно́ подви́злся еси́, / плоть твою́ изнуря́я постом, / вери́гами желе́зными и ра́нами во́льными, / я́же налага́л еси́ на плещи́ твоя́, Иринарше́ преблагенне, / оби́тели твоея́ похвало́ и моли́твенниче о душа́х на́ших.

Седален Преподобнаго Иринарха

Глас 7:

Крест Христов на рамо твоё возем, Иринарше, отче наш, / князю Димитрию крест честный в победу на супостаты в дал еси / и тому яве прорекл еси силою Христа Бога враги покорити, / темже и ныне в Небесных чертозах прославляешься / и молишися о душах наших.

Слава Отцу и Сыну и Святому Духу.

Седален Преподобнаго Иринарха

Глас 4:

Егда узре ты начальник рати иноплемennyй, Иринарше преподобне, / удивися терпению твоему и ничимже оскорби обитель твою, / но яко угодника Божия ты почитал еси, / емуже истину, не обинуясь, глагола еси небоязненно, / и сбыстся над ним слово твое, / яко пророка воистинну и молитвенника о душах наших.

И ныне и присно и во веки веков. Аминь.

Седален Праздника Просвещенiя Подобенъ: Дева днесь: Глас 3:

Владыка днесь на Иордан прииде, / крестився в водах от Божественнаго Предтечи, / свыше же Отец свидетельствовал: / Сей еси Сын Мой, о Немже благоизволих. // И Дух явился странным видом голубиным над Ним.

Степenna, глас 6:

1 Антифон:

Хор: На небо очи мои возвожу, к Тебе, Слово: ущедри мя, да живу Тебе.

(Дважды)

Помилуй нас униженных, устраоя благопотребныя Твоя сосуды, Слово.

(Дважды)

Слава Отцу и Сыну и Святому Духу.

Святому Духу, всякая всеспасительная вина, аще коему Сей по достоянию дхнет, скоро вземлет от земных: восперяет, возвращает, устраояет горе.

И ныне и присно и во веки веков. Аминь.

Святому Духу, всякая всеспасительная вина, аще коему Сей по достоянию дхнет, скоро вземлет от земных: восперяет, возвращает, устраояет горе.

2 Антифон:

Аще не Господь бы был в нас, никтоже от нас противу возмогл бы вражиим бранем одолети: побеждающи бо от зде возносятся. *(Дважды)*

Зубы их да не ята будет душа моя яко птенец, Слово: увы мне, како имам от врага избыти грехолюбив сый! *(Дважды)*

Слава Отцу и Сыну и Святому Духу.

Святым Духом обожение всем, благоволение, разум, мир и благословение: равнодетелен бо еси Отцу и Слово.

И ныне и присно и во веки веков. Аминь.

Святым Духом обожение всем, благоволение, разум, мир и благословение: равнодетелен бо еси Отцу и Слово.

3 Антифóн:

**Наде́ющиеся на Го́спода враго́м стра́шни, и все́м дивни: горé бо зря́т.
(Дважды)**

**В беззако́ния ру́к свои́х, пра́ведных жре́бий, помо́щника Тя́ имéя Спа́се, не
простира́ет. (Дважды)**

Сла́ва Отцу́ и Сы́ну и Свято́му Ду́ху.

**Свята́го Ду́ха держа́ва на все́х: Ему́же вы́шняя вои́нства покланя́ются, со
вся́ким дыха́нием до́льным.**

И ны́не и при́сно и во ве́ки веко́в. Ами́нь.

**Свята́го Ду́ха держа́ва на все́х: Ему́же вы́шняя вои́нства покланя́ются, со
вся́ким дыха́нием до́льным.**

Проки́мен и чтéние Ева́нгелия:

Диáкон: Вонмем. Премудрость вонмем, прокимен, глас шестый:

Го́споди, воздвигни си́лу Твою́, и прииди́ во е́же спасти́ нас.

Хор: Го́споди, воздвигни си́лу Твою́, и прииди́ во е́же спасти́ нас.

Диáкон: Пасый Изра́иля вонми́, наставляя́й я́ко овча́ Ио́сифа.

Хор: Го́споди, воздвигни си́лу Твою́, и прииди́ во е́же спасти́ нас.

Диáкон: Го́споди, воздвигни си́лу Твою́

Хор: и прииди́ во е́же спасти́ нас.

Диáкон: Го́споду помóлимся.

Хор: Го́споди, поми́луй.

Иерей: Я́ко Свят еси́ Бо́же наш, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и при́сно и во
ве́ки веко́в.

Хор: Ами́нь.

Диáкон: Вся́кое дыха́ние да хва́лит Го́спода.

Хор: Вся́кое дыха́ние да хва́лит Го́спода.

Диáкон: Хвалите́ Бо́га во святы́х Его́, хвалите́ Его́ во утверже́нии си́лы Его́.

Хор: Вся́кое дыха́ние да хва́лит Го́спода.

Диáкон: Вся́кое дыха́ние.

Хор: Да хва́лит Го́спода.

Диáкон: И о сподóбитися нам слы́шанию Свята́го Ева́нгелия, Го́спода Бо́га мо́лим.

Хор: Го́споди, поми́луй. (Трижды)

Диáкон: Премудрость, прóсти, услы́шим Свята́го Ева́нгелия.

Иерей: Мир всем.

Хор: И ду́хови твоему́.

Иерей: От Иоáнна Свята́го Ева́нгелия чтéние.

Хор: Сла́ва, Тебе́, Го́споди, сла́ва Тебе́.

Диáкон: Вонмем.

(Ева́нгелие воскресное 9-е, зачало 65А., Ин.20:19-31:)

Иерей: Су́щу по́зде в день той во еди́ну от суббо́т, и двéрем затворéнным, иде́же бя́ху ученицы́ Его́
собрани, стра́ха ра́ди иудейска, прииде́ Иису́с и ста посреде́ и глаго́ла им: мир вам. И сиé рек, показа́ им
ру́це и но́зе и ре́бра Своя́. Возра́довашася у́бо ученицы́, ви́девше Го́спода. Рече́ же им Иису́с па́ки: мир

вам, якоже посла Мя Отец, и Аз посылаю вы. И сие рек, дуну и глагола им: примите Дух Свят, имже отпустите грехи, отпустятся им, и имже держите, держатся. Фома же, един от обоюнадесяте, глаголемый Близнец, не бе ту с ними, егда прииде Исус. Глаголаху же ему друзии ученицы: видехом Господа. Он же рече им: аще не вижу на руку Его язвы гвоздинныя, и вложу перста моего в язвы гвоздинныя, и вложу руку мою в ребра Его, не иму веры. И по днех осмих паки бяху внутрь ученицы Его, и Фома с ними. Прииде Исус дверем затворенным, и ста посреде их и рече: мир вам. Потом глагола Фоме: принеси перст твой семо и виждь рuce Мои, и принеси руку твою и вложи в ребра Моя, и не буди неверен, но верен. И отвеща Фома и рече Ему: Господь мой и Бог мой. Глагола ему Исус: яко видев Мя, верова, блажени не видевшии и веровавше. Многа же и ина знаменiя сотвори Исус пред ученики Своими, яже не суть писана в книгах сих. Сия же писана быша, да веруете, яко Исус есть Христос Сын Божий, и да верующе живота имате во имя Его.

Хор: Слава, Тебе, Господи, слава Тебе.

Воскресная песнь по Евангелии, глас 6:

Воскресение Христово видевше,/ поклонимся Святому Господу Исусу,/ единому безгрешному,/ Кресту Твоему поклоняемся, Христе,/ и святое Воскресение Твое поем и славим:/ Ты бо еси Бог наш,/ разве Тебе иного не знаем,/ имя Твое именуем./ Приидите вси вернии,/ поклонимся Святому Христову Воскресению:/ се бо прииде Крестом радость всему миру./ Всегда благословяще Господа,/ поем Воскресение Его:/ распятие бо претерпев,// смертью смерть разруши.

Псалом 50:

Чтец: Помилуй мя, Бже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему да си радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Бже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бже, Бже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

Глас 6:

Хор: **Слáва Отцú и Сыну и Святому Дúху.** / Молíтвами апóстолов,/ Мíлостиве, очíсти// мнóжество согрешéний нáших.

И ныне и присно и во веки веков. Амíнь. / Молíтвами Богорóдицы,/ Мíлостиве, очíсти// мнóжество согрешéний нáших.

Помíлуй мя, Бóже,/ по велицей мíлости Твоей,/ и по мнóжеству щедрóт Твоих// очíсти беззакóние моё.

Стихи́ра воскрeсная, глас 6:

Воскрeс Иисус от грóба,/ я́коже проречé,/ даде́ нам живóт вéчный// и вéлию мíлость.

Диáкон: Спаси́, Бóже, люди́ Твоя́ и благослови́ достоя́ние Твое́, посети́ мир Твой мíлостию и щедрóтами, возвы́си рог христиáн правослáвных и низпосли́ на ны мíлости Твоя́ богáтыя, молíтвами всепречíстыя Влады́чицы нáшея Богорóдицы и Присноде́вы Мари́и, си́лою Честна́го и Животворя́щаго Крестá, предста́тельства честных Небéсных Си́л безплóтных, честна́го, сла́внаго прорóбка, Предте́чи и Крестите́ля Иоáнна, святых сла́вных и всехва́льных Апóстол, и́же во святых о́тец нáших и вселéнских вели́ких учíteлей и святи́телей, Васи́лия Вели́каго, Григóрия Богослóва и Иоáнна Златоúстаго, и́же во святых о́тца́ нáшего Никола́я, архиепíскопа Мирликийскаго, чудотворца, святых равноапóстольных Мефóдия и Кири́лла, учíteлей словéнских, святых равноапóстольных вели́каго кня́зя Влади́мира и вели́кия кня́гини Ольги, и́же во святых о́тец нáших: святи́теля Миха́ила, пёрвого митрополи́та Ки́евского, первосвяти́телей Моско́вских и всея́ Руси: Петра́, Алексия́, Ио́ны, Мака́рия, Фили́ппа, Иова, Ермоге́на и Тíхона, митрополи́тов Моско́вских Филаре́та, Иннокéнтия и Мака́рия. Святых, сла́вных и добропобéдных мучеников, новомучеников и исповéдников Цéркве Ру́сская: Влади́мира, митрополи́та Ки́евского, Вениамина́, митрополи́та Петрогра́дского, Петра́, митрополи́та Крути́цкаго, Иларио́на, архиепíскопа Верéйскаго, святых ца́рственных страстоте́рпцев, преподобномучениц вели́кия кня́гини Елисаветы́ и инокини Варва́ры, преподобных и богоно́сных о́тец нáших, преподобных о́тец ста́рцев Опти́нских, святых пра́ведных Иоáнна Кроншта́дтскаго и Алексия́ Моско́вскаго, святых блаже́нных Ксе́нии Петербу́ржская и Матро́ны Моско́вская, святых и пра́ведных богоо́тец Иоакима́ и А́нны (и святаго **имярек** , егоже есть храм и егоже есть день), и всех святых. Мо́лим Тя́, многомíлостиве Го́споди, услыши́ нас, грешных, моля́щихся Тебе́, и помíлуй нас.

Хор: Го́споди, помíлуй. *(12 раз)*

Иерей: Мíлостию и щедрóтами и человеколю́бием единоро́днаго Твоего́ Сы́на, с Нíмже благословéн еси́, со Пресвяты́м, и Благíм, и Животворя́щим Твои́м Дúхом, ны́не и присно, и во веки веков.

Хор: Амíнь.

Кано́н:

Песнь 1:

Канон Воскрeсный, глас 6:

Хор:

Ирмо́с: *Яко по су́ху пешешествовав Изра́иль, по бездне стопáми, гонíteля фарао́на ви́дя потопля́ема, Бóгу побéдную пeснь по́йм, вопия́ше.*

Чтец:

Припев: **Слáва, Го́споди, свято́му Воскресéнию Твоему́.**

Тропа́рь: **Распростeртыма длáньма на Кресте́, О́теческаго испóлнил еси́ благово́ления, Благíй Иисусе, вся́ческая. Те́мже побéдную пeснь Тебе́ вси по́йм.**

Припев: Слава, Господи, святому Воскресению Твоему.

Тропарь: Страхом к Тебѣ яко рабыня, смѣрть повелѣна приступи Владыце животá, тою подающему нам безконечный живот и воскресение.

Припев: Пресвятая Богородице, спаси нас.

Богородичен Своего приемши Содетеля, яко Сам восхотѣ, от безсеменнаго Твоего чрева, паче ума воплощаема, Чистая, тварей воистинну явилася еси Владычица.

Канон Праздника Просвещенiя(На 4), Глас 2:

Припев: Слава Тебѣ, Божѣ наш, слава Тебѣ.

Тропарь: Адама истлѣвшаго обновляет струями Иорданскими/ и змиѣв главы гнездящихся сокрушает Царь веков, Господь,/ яко прославися. *(Дважды)*

Припев: Слава Тебѣ, Божѣ наш, слава Тебѣ.

Тропарь: Огнем Божества Невещественным/ в плоть вещественну одеаяся, Иорданскою облагается водою/ воплощйся от Девы Господь, яко прославися.

Припев: Слава Тебѣ, Божѣ наш, слава Тебѣ.

Тропарь: Скверну омываяяя человекoв, сим очищся во Иордане,/ имже, восхотѣв, уподобися, еже бе пребыв,/ сущия во тьме просвещаяяя Господь, яко прославися.

Канон Преподобнаго Иринарха(На 6), Глас 4:

Припев: Преподобне отче Иринарше, моли Бога о нас.

Тропарь: Моря страстнаго пучину прешел еси безвредно, преподобне отче,/ и под знаменем креста Христова крепко ратовал еси,/ терпением и смирением невидимый враги побеждая./ Темже чудес благодатию от Господа прославился еси предивно. *(Дважды)*

Припев: Преподобне отче Иринарше, моли Бога о нас.

Тропарь: Морю предел положивый,/ Господь яви тя дивна в терпении и злострадании, Иринарше блаженне,/ подвигом бо новым себе вдал еси,/ любве ради Христова плоть твою затвором и узами желѣзными изнуряя,/ в нихже дарами духовными прославился еси, пречудне. *(Дважды)*

Слава Отцу и Сыну и Святому Духу.

Моря житейскаго треволение не погрузи корабля твоего душевнаго, Иринарше Богомудре,/ веянием бо Духа Божия управляем, в тихое пристанище вшел еси/ и многими благодатными дарами прославился еси.

И ныне и присно и во веки веков. Аминь.

Богородичен: Тучи слез испроси нам, Владычице Преплагая,/ и теми угаси пещь страстей наших,/ да спасение вечное получим Твоим предстательством/ и воспойм Христу победную песнь, яко прославися.

Катавасия, Глас 2:

Ирмос: Глубины открыл есть дно / и сушею Своя влечет, / в ней покрыв противныя, / крепкий во бранех Господь, / яко прославися.

Песнь 3:

Канон Воскресный, глас 6:

Хор:

Ирмос: *Несть свят, якоже Ты, Господи, Боже мой, вознесый рог верных Твоих, Блаже, и утвердивый нас на камени исповедания Твоего.*

Чтец:

Припев: *Слава, Господи, святому Воскресению Твоему.*

Тропарь: *Бога распинаема плотию зрящи тварь растаяваше страхом: но содержительною дланию нас ради Распятаго, крепко держима бѣ.*

Припев: *Слава, Господи, святому Воскресению Твоему.*

Тропарь: *Смертию смерть разорена лежит окаянная без дыханiя: Живота бо не терпящи Божественнаго прираженiя, умерщвляется крепкий¹³, и даруется всем воскресение.*

Припев: *Пресвятая Богородице, спаси нас.*

Богородичен *Божественнаго рождества Твоего, Чистая, всякий естества чин превосходит чудо: Бога бо преестественно зачала еси во чреве, и рождши пребываеши присно Дева.*

Канон Праздника Просвещенiя(На 4), Глас 2:

Припев: *Слава Тебѣ, Боже наш, слава Тебѣ.*

Тропарь: *Неплодная древле и безчадная люте, днесь веселися, Христова Церковь:/ водою бо и Духом сынове тебе родишася, верою взывающе:/ несть свят, якоже Бог наш. (Дважды)*

Припев: *Слава Тебѣ, Боже наш, слава Тебѣ.*

Тропарь: *Велиим гласом в пустыни вопиет Предтеча:/ Христу уготуйте пути/ и стези Богу нашему правы соделайте, верою взывающе:/ несть свят, якоже Бог наш. (Дважды)*

Канон Преподобнаго Иринарха(На 6), Глас 4:

Припев: *Преподобне отче Иринарше, моли Бога о нас.*

Тропарь: *Утвердил еси на камени терпения сердце твое, преподобне отче,/ и, аки безплотен, всякий скорби, гонения же и злострадания безропотно претерпевал еси,/ на Подвигоположника Христа Бога очима веры взирая./ Темже и о спасении своем возвеселился еси Того Божественною благодатию.*

(Дважды)

Припев: *Преподобне отче Иринарше, моли Бога о нас.*

Тропарь: *Утвержденный откровенными Небесными,/ в затворе многолетне пребыл еси, Иринарше блаженне,/ узами железными связав твое тело,/ раны же тому нещадно возлагая,/ да никакоже возможет востати на дух твой,/ во спасение вечное тобою управляемый. (Дважды)*

Слава Отцу и Сыну и Святому Духу.

Утверждал еси прозорливыми твоими словесы ближний твоя, отче предивне,/ к любви Христовой всех возбуждая,/ еяже преисполнен быв, гонителем твоим кроток и незлобив показался еси,/ о покаянии тех моля Бога.

И ныне и присно и во веки веков. Аминь.

Богородичен: *Утверждение на Тя надеющихся, Богородице Дево,/ не посрами упования нашего, еже по Бозе на Тя возлагаем,/ но буди нам Защитница от нападений вражиих,/ да, Тобою помоществуеми, возвеселимся о спасении нашем.*

Катавасия , Глас 2:

Ирмос: *Крѣпость даѣй царѣм нашим Господь / и рог помазанных Своих
возносяй / от Дѣвы раждáется, грядѣт же ко Крещенiю. / Тому, вѣрнии,
возопиѣм: / несть свят, яко Бог наш.*

Ектенiя малая:

Диáкон: Паки и паки миром Господу помóлимся.

Хор: Господи, помилуй.

Диáкон: Заступи, спаси, помилуй и сохрани нас, Бóже, Твоею благодáтию.

Хор: Господи, помилуй.

Диáкон: Пресвятую, Пречистую, Преблагословенную, Славную Владычицу нашу Богородицу и Приснодѣву Марию, со всеми святыми помянувши, сами себе и друг друга, и весь живóт наш Христу Бóгу предадим.

Хор: Тебѣ, Господи.

Иерей: Яко Ты еси Бог наш, и Тебѣ славу воссылаем, Отцу и Сыну и Святому Духу, ныне и присно и во веки веков.

Хор: Амiнь.

Кондак Праздника Просвещенiя Глас 4:

Явился еси днесь вселенней, / и свет Твой, Господи, знаменася на нас, / в разуме поющих Тя: / пришел еси и явился еси, // Свет неприступный.

Икос:

Галилеи язычестей, Завулонстей странѣ и Неффалимстей земли, / якоже рече пророк, Свет велик возсия, Христос. / Омраченнм светла явися Заря, из Вифлеема облистáющая, / пáче же из Марии Господь, всей вселенней возсиявает лучи Солнце правды. / Тѣмже, иже от Адама назии, приидите вси, облечѣмся в Него, да согреѣмся, / покрывает бо нагия и просвещает тѣмныя. // Пришел еси и явился еси, Свет неприступный.

Кондак Преподобнаго Иринарха Глас 2:

Волнений множество жестокии житием преходя, / изгнание, затвор и úзы железныя претерпел еси мужески, Иринарше терпеливодуще, / нам оставль образ злострадания и терпения твоего, / озаряя чудес блистáньми с верою приходящих к честному гробу твоему, / у негоже, яко почест победную, вериги твоя тяжкия видим, / от нихже подаеши исцеления недужным. / Сего ради зовем ти: / радуйся, Иринарше, отче предивный.

Икос:

Ангельскими нравами себе благоукасив, Иринарше блаженне, / тих, кроток и незлобив был еси. / В земном житии ко врагом твоим не враждуя, / но присно моляся за них Бóгу, / воистинну Небесный человек показался еси / и совершенный угольник Христов, / Им бо в житии и по преставлении чудесы многими прославлен был еси, преподобне. / Ты и ныне точиши исцеления от мощей твоих, / к нимже с верою и любовью притекающе, вопиѣм ти: / радуйся, Иринарше, отче предивный.

Седален Преподобнаго Иринарха Глас 4:

Скорый помощник являешия, преподобне отче Иринарше, / всем, с верою притекающим к честному твоему гробу, / исцеления болящим подавая от него силую Господа сил, / прославльшаго тя чудотворения благодатию. / Сего ради с любовью почитаем святую и всечестную память твою.

Хор: Слава Отцу и Сыну и Святому Духу и ныне и присно и во веки веков. Аминь.

Седален Праздника Просвещения Подобенъ: Скоро предвари: Глас 4:

Струи освятил еси Иорданския, / державу сокрушил еси греховную, Христе Боже наш, / приклонил еси длани Себе Предтечеве / и спасл еси от лести человеческий род. // Темже Тя молим: спаси души наша.

Песнь 4:

Канон Воскресный, глас 6:

Хор:

**Ирмос: Христос моя сила, Бог и Господь, честная Церковь Боголепно поет
взываючи, от смысла чиста о Господе празднующи.**

Чтец:

Припев: Слава, Господи, святому Воскресению Твоему.

**Тропарь: Желчь убо иже из камене мед ссавшии, в пустыни чудодествовавшему Тебе принесоша, Христе: оцет же за манну воз
благодаяние Ти воздаша отроцы Израилевы неблагоприятии.**

Припев: Слава, Господи, святому Воскресению Твоему.

**Тропарь: Иже древле световидным облаком покрываеми, Живот во гробе
Христа положиша: но самовластно воскрес, всем верным подаде тайно
осеняющее свыше Духа сияние.**

Припев: Пресвятая Богородице, спаси нас.

**Богородичен Ты, Мати Божия, несочетанно родила еси, Иже от Нетленна Отца
возсиявшаго, кроме болезней матерних: темже Тя, Богородицу, воплощенна бо
родила еси Слова, православно проповедуем.**

Канон Праздника Просвещения(На 4), Глас 2:

Припев: Слава Тебе, Боже наш, слава Тебе.

**Тропарь: Очищаемо солнце кто виде, - / проповедник вопиет, - пресветлое
естеством? / Да Тебе водами, сияние Славы, Отца образ Присносущнаго, омыю /
и, сено сый, Огню прикоснуся Твоего Божества? / Ты бо еси Христос, Божия
мудрость и сила. (Дважды)**

Припев: Слава Тебе, Боже наш, слава Тебе.

**Тропарь: Яви Божественное, еже име, благоговение Моисей, прилучився
Тебе, / яко бо из купины Ты, возгласивша, разуме, абие отврати лице. / Аз же
како Ты увижу ясно? / Или како руку положу на Тя? / Ты бо еси Христос, Божия
мудрость и сила.**

Припев: Слава Тебе, Боже наш, слава Тебе.

**Тропарь: Душевное совершая мудре и словом почтенный, бездушных
стыждуся. / Аще бо крещу Тя, клеветна ми есть огнем дымящаяся гора, /**

побѣгшее же море на двѣе и Иордан сей, возвративыйся:/ Ты бо еси Христос, Божия мудрость и сила.

Канон Преподобнаго Иринарха(На 6), Глас 4:

Припев: Преподобне отче Иринарше, моли Бога о нас.

Тропарь: Пророком Божиим подобяся, отче Иринарше,/ будущая, яко настоящая, созерцал еси/ и прозорливо предрекл еси имущее быти изгнание ляхов,/ присно умоляя Христа о побѣде православных/ и воспевая Того Божественное низхождение. *(Дважды)*

Припев: Преподобне отче Иринарше, моли Бога о нас.

Тропарь: Пророчески омывал еси лице твое слезами/ и питие твое плачем растворял еси, преподобне,/ да плачем временным плача вечнаго избегнеши./ Темже блаженство плачущих унаследовал еси на Небесех/ и ныне во Царствии Христа Бога утешаешься,/ воспевая Того Божественное низхождение.

(Дважды)

Слава Отцу и Сыну и Святому Духу.

Пророка и царя Давида песнопения возлюбил душа твоя, преподобне отче,/ и миже Бога день и ночь славил еси,/ и, яко птица, особящаяся на зде,/ от затвора твоего уединеннаго благоумиленно песни хвалы и славословия Христу Богу воспевал еси присно,/ Того Божественное низхождение прославляя.

И ныне и присно и во веки веков. Аминь.

Богородичен: Пророческая речения на Тебе сбышася, Дево Богородице,/ Ты бо Слово Божие нетленно воплотила еси/ и Невместимаго во утробе Твоей девственной вместила еси./ Темже и воспеваем спасительное Христово низхождение.

Катавасия, Глас 2:

Ирмос: Услышах, Господи, глас Твой, егдаже рекл еси, глас вопиющаго в пустыни, / яко возгремел еси над водами многими, / Твоему свидетельствуяй Сыну, / весь быв сошедшаго Духа, возопи: / Ты еси Христос, Божия мудрость и сила.

Песнь 5:

Канон Воскресный, глас 6:

Хор:

Ирмос: Божиим светом Твоим, Блаже, утреняющих Ти души любовью озари, молюся, Тя ведети, Слове Божий, истиннаго Бога, от мрака греховнаго зывающа.

Чтец:

Припев: Слава, Господи, святому Воскресению Твоему.

Тропарь: Уступают мне Херувими ныне, и пламенное оружие, Владыко, плещи мне дает, Тя видевше, Слове Божий, истиннаго Бога, разбойнику путь сотворшаго в рай.

Припев: Слава, Господи, святому Воскресению Твоему.

Тропарь: Не ктому́ боюся, е́же в зéмлю, Влады́ко Христé, возвращенiя: Ты́ бо от земли́ мя́ возвёл еси́ забвénна, благоутрóбия рáди мно́гаго, к высотé нетлénия воскресéнием Твоимъ.

Припев: Пресвятáя Богородице, спаси́ нас.

Богородичен Иже Богородицу́ тя́ от души́, Влады́чице ми́ра Благáя, исповéдающих спаси́: Тебé бо предстáтельство непоборимое́ и́мамы, и́стинную Богороди́тельницу.

Канон Праздника Просвещенiя(На 4), Глас 2:

Припев: Сла́ва Тебé, Бо́же наш, сла́ва Тебé.

Тропарь: Сше́дшимся без числа́ людем от Иоáнна креститися, сам посреде́ их ста./ Провозгласи́ же предстоящим:/ кто пока́зá, непокорíвии, гнéва вам уклонитися, хотя́щаго бы́ти?/ Плоды́ досто́йны Христу́ сотворите:/ Предстояй бо ны́не мир да́рует. *(Дважды)*

Припев: Сла́ва Тебé, Бо́же наш, сла́ва Тебé.

Тропарь: Дéлатель и Зижди́тель, посреде́ стояй, я́ко Еди́н всех серде́цá испытует,/ чисти́тельную же лопáту руко́ю приём,/ всемирное гу́мно́ всему́дре разлучáет, непло́дие паля́,/ благопло́дным вéчный живóт да́рует. *(Дважды)*

Канон Преподобнаго Иринарха(На 6), Глас 4:

Припев: Преподóбне óтче Иринарше, моли́ Бо́га о нас.

Тропарь: Го́спода Бо́га освятíл еси́ в души́ твоёй, преподóбне óтче,/ и, Того́ Божéственною любóвию уязвив се́рдце твоё,/ явился еси́ вёрный дéлатель за́поведей Христóвых,/ во смире́нии дýха вы́ну пребывáя/ и в моли́твах непрестáнных призывáя Имя́ Бóжие спаси́тельное. *(Дважды)*

Припев: Преподóбне óтче Иринарше, моли́ Бо́га о нас.

Тропарь: Го́спода Бо́га вы́ну зрел еси́ очима́ души́ твоёй, преподóбне óтче,/ и, стра́хом Бóжиим утвержда́ем, непоколебимъ от искуше́ний вра́жиих пребы́л еси́,/ вся прилоѓи диáвольстии отража́я призывáнием моли́твенным Божéственного Имене́ Христóва. *(Дважды)*

Сла́ва Отцу́ и Сы́ну и Свято́му Дýху.

Го́сподень рабъ был еси́, Иринарше преблаже́нне,/ вы́ну рабóтавши Влады́це Христу́ во смире́нии и терпéнии мно́зе,/ плоть твою́ изнуря́я затво́ром те́сным и вери́гами тяжкими,/ я́ко вси, зря́щий таково́е твоё страда́льческое жити́е,/ Имя́ Христóво прославля́ху.

И ны́не и при́сно и во ве́ки веко́в. Ами́нь.

Богородичен: Го́сподня Ма́ти и Влады́чица всея́ тва́ри явилася еси́, Богородице́ Мари́е, рóждши Еди́наго от Трóицы, Бо́га Сло́ва./ Егóже моли́, Чи́стая, страсте́й безсловéсных нас избáвити,/ да в тишинé безстра́стия се́рдцем и усты́ воспевáем свято́е Имя́ Егó.

Катавасия , Глас 2:

Ирмос: *Иисус, живота́ нача́льник, / разреши́ти осужде́ние грядёт Ада́ма первозда́ннаго, / очище́ний же я́ко Бог не тре́буя, / па́дшаго очища́ет во Иорда́не, в нёмже вражду́ убив, / преимущ́ всяк ум мир да́рует.*

Песнь 6:

Канон Воскресный, глас 6:

Хор:

Ирмос: Житейское море воздвизаемое зря напастей бурю, к тихому пристанищу Твоему притек вопиу Ти: возведи от тли живот мой, Многомилостиве.

Чтец:

Припев: Слава, Господи, святому Воскресению Твоему.

Тропарь: Распинаемь, Владыко, гвоздьми убо клятву юже на нас потребил еси: копием же прободаемь в ребро, Адамово рукописание растерзав, мир свободил еси.

Припев: Слава, Господи, святому Воскресению Твоему.

Тропарь: Адам низведеса, лестию запят быв, ко адове пропасти: но иже естеством, Бог же и милостив, сшел еси на зыскание, и на раму понес, совоскресил еси.

Припев: Пресвятая Богородице, спаси нас.

Богородичен Пречистая Владычице, рождающая человеком кормчию Господа, страстей моих непостоянное и лютое утоли смущение, и тишину подаждь сердцу моему.

Канон Праздника Просвещения(На 4), Глас 2:

Припев: Слава Тебе, Боже наш, слава Тебе.

Тропарь: Родься нетленно от Бога и Отца, / от Девы кроме скверны воплощается Христос, / Ему же ремень, яже от нас Слова сочтания, разрешити неудоб, учит Предтеча, / земнородныя от лести избавляя. *(Дважды)*

Припев: Слава Тебе, Боже наш, слава Тебе.

Тропарь: Огнем крестит конечным Христос противныя, / а не Бога мудрствующих Его, / Духом же обновляет водою благодати разумливыя Божества Его, / от прегрешений избавляя. *(Дважды)*

Канон Преподобнаго Иринарха(На 6), Глас 4:

Припев: Преподобне отче Иринарше, моли Бога о нас.

Тропарь: Яко верный последователь Христа Бога, / смирен и незлобив был еси, Иринарше преблаженне, / моляся выну за враги и гонители твоя. / Молим тя, преподобне, / научи и нас твоему непамятозлобию / и ко Христу путеводи нас молитвами твоими, / да не погибнем в бездне греховней. *(Дважды)*

Припев: Преподобне отче Иринарше, моли Бога о нас.

Тропарь: Яко безплотен воистинну, отче, / всякое злострадание телесное терпел еси мужески, утеснитель быв твоему телу, / еже железными узами неослабно истнил еси, / да от бездны греховныя изыдет живот твой. *(Дважды)*

Слава Отцу и Сыну и Святому Духу.

Яко крепкий ратоборец, в доспехи железный одеявся, преподобне, / враги невидимый побеждал еси / и, вся искушения диавольская отражая, / воистинну был еси столп непоколебим благочестия и подвижник совершенный о Христе, / в нем же тля греховная никакоже обретется.

И ныне и присно и во веки веков. Аминь.

Богородичен: Яко воистинну прибежище непостыдное христианом, / щит и покров, Мати Божия, / воспевающий Тя бед и скорбей свободи. / Тя бо Едину, благословенную в женах, немолчными песнями хвалёбными уболажаем.

Катавасия , Глас 2:

Ирмос: *Глас Словесё, светильник Света, / денница Солнца, Предтеча в пустыни, /- покайтесь,- всем вопиёт людем,- и предочиститесь: / се бо предстоит Христос, / от тли мир избавляяй.*

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Кондак октоиха, глас 6

Живоначальною дланию, умершыя от мрачных удолий, Жизнодавец воскресив всех Христос Бог, воскресение подаде человеческому роду: есть бо всех Спаситель, Воскресение и Живот, и Бог всех.

Икос:

Крест и погребение Твое, Жизнодавче, воспеваем вернии, и поклоняемся, яко ад связал еси, Безсмертне, яко Бог Всесильный: и мертвыя совоскресил еси, и врата смертная сокрушил еси, и державу адову низложил еси, яко Бог. Темже земнороднии славословим Тя любовью, воскресшаго, и низложившаго вражю державу всепагубную, и всех воскресившаго в Тя веровавших, и мир избавльшаго от стрел зминых, и от прелести вражия, яко Бог всех.

Песнь 7:

Канон Воскресный, глас 6:

Хор:

Ирмос: *Росодательну убо пещь содела Ангел преподобным отроком, халдеи же опаляющее веление Божие, мучителя увещая вопити: благословен еси, Боже отец наших.*

Чтец:

Припев: Слава, Господи, святому Воскресению Твоему.

Тропарь: Рыдающее во страсти Твоей солнце, во мрак облечёся, и во дни по всей, Владыко, земли свет померче, вопия: благословен еси, Боже отец наших.

Припев: Слава, Господи, святому Воскресению Твоему.

Тропарь: Облекóшася, Христé, схождéнием Твоим во свёт преиспóдня, праотец же весéлия испóлнь явiся ликовству́я, възигра́ся вопи́я: благословéн еси́, Бóже отéц нáших.

Припев: Пресвятáя Богорóдице, спаси́ нас.

Богорóдичен Тобóю, Мати́ Дéво, свёт возсия́ все́й вселéнной свётлый: Зиждiтеля бо Ты́ все́х родила́ еси́ Бóга. Егóже проси́, Всечи́стая, нáм низпослáти вёрным вéлию мiлость.

Канон Праздника Просвещенiя(На 4), Глас 2:

Припев: Сла́ва Тебé, Бóже наш, сла́ва Тебé.

Тропарь: Якоже на Небеси́, с трéпетом и чúдом предсто́яху/ во Иорда́не си́лы Ангельския, смотря́юще толи́ка Бóжия схождéния:/ я́ко Держáй превы́шних вод соста́в, в вода́х Плотно́сец стоя́ше,/ Бог отце́в нáших. *(Дважды)*

Припев: Сла́ва Тебé, Бóже наш, сла́ва Тебé.

Тропарь: Облак дрéвле и мо́ре Божéственнаго прообража́ху Крещéния чúдо,/ в ни́хже дрéвнии крести́шася, исходя́ще закóннии лю́дие./ Мо́ре же бе о́браз воды́, и о́блак – Дúха./ Ими́же соверша́еми, – благословéн еси́, – зовéм, – Гóсподи Бóже, во вéки.

Припев: Сла́ва Тебé, Бóже наш, сла́ва Тебé.

Тропарь: Вси вёрнии, в Нёмже совершéние при́яхом,/ богослóвляще немóлчно со Ангелы, прослáвим Отца́, и Сы́на, и Дúха Свята́го:/ се бо – Трóица, Ипостáсьми Единосу́щная, Едiн же Бог./ Емúже поём: благословéн еси́, Гóсподи Бóже, во вéки.

Канон Преподобнаго Иринарха(На 6), Глас 4:

Припев: Преподóбне óтче Иринáрше, моли́ Бóга о нас.

Тропарь: В пéщи мно́гих искушéний, Иринáрше блажéнне,/ терпели́во пребыва́л еси́, не опалéн уны́ния пла́менем,/ и вся прилóги диáволи смире́нием и незлóбием души́ твоёй низложи́л еси́, при́сно зовы́й:/ благословéн еси́, Бóже отéц нáших. *(Дважды)*

Припев: Преподóбне óтче Иринáрше, моли́ Бóга о нас.

Тропарь: В пещи́ гонéния лю́таго,/ я́ко сребро́ чи́стое, пред лицéм Бóжиим явiлся еси́, преподóбне óтче,/ сегó ра́ди Ангела Бóжия сподóбился еси́ зрети́, да вы́ну поéши:/ благословéн еси́, Бóже отéц нáших. *(Дважды)*

Сла́ва Отцу́ и Сы́ну и Свято́му Дúху.

Пещь мно́гих скорбéй разжжé ти диáвол, Иринáрше терпеливодúшне,/ неразу́мныя на тя челове́ки воздвизáя,/ но вся сия́ незлóбием твоим посрамир́л еси́/ и, при́сно моля́ся за них Бóгу, взывáл немóлчно:/ благословéн еси́, Бóже отéц нáших.

И ны́не и при́сно и во вéки веко́в. Ами́нь.

Богорóдичен: В пещи́ халдéйстей та́инство рождествá Твоегó проразумева́я, Богорóдице,/ рóждшимся от Тебé Искупи́телем спасéние обрето́хом/ и, подобно́ óтроком Богослóвцем, Сы́ну Твоему́ и Гóсподу благодарно́ зовéм:/ благословéн еси́, Бóже отéц нáших.

Катавасия , Глас 2:

Ирмос: Юноши благочестивыя, пещи о́гненной приобщившиися, / шумящ
дух рбсный невредимы сохрани / и Божия Ангела снизхождéние. / Тёмже,
в пламени орошáеми, благодарственно воспéваху: / препётый отец
Гбсподи и Бже, благословén еси.

Песнь 8:

Канон Воскрéсный, глас 6:

Хор:

Ирмос: Из пламене преподбным рбсу источил еси, и прáведнаго жéртву
водбю попалил еси: вся бо твориши, Христé, тóкмо éже хотéти, Тя
превозно́сим во вся вéки.

Чтец:

Припев: Сла́ва, Гбсподи, свято́му Воскресéнию Твоему́.

Тропарь: Иудейския дрéвле пророкоубийцы люди, богоубийцы зависть ны́не
содела, Тебе́ на крест возне́сшыя, Сло́ве Божий: Егóже превозно́сим во вся
вéки.

Припев: Сла́ва, Гбсподи, свято́му Воскресéнию Твоему́.

Тропарь: Небснаго кру́га не оста́вил еси, и во ад соше́д, всего́ совоздвигл еси
лежа́щаго во гно́ищи, Христé, челове́ка, Тя превозно́сяща во вся вéки.

Припев: Пресвята́я Богородице, спаси́ нас.

Богородичен От Све́та Светода́вца Сло́ва зачала́ еси, и рóждши неизречéнно
Сего́, просла́вилася еси: Ду́х бо в Тя, Отрокови́це, Божий всели́ся. Тёмже Тя
поём во вся вéки.

Канон Праздника Просвещéния(На 4), Глас 2:

Припев: Сла́ва Тебе́, Бже наш, сла́ва Тебе́.

Тропарь: Отложи́ страх весь, – Избáвитель Предте́чи рече́, -/ Мне же повини́ся,
яко́ Благо́му,/ Мне приступи́, сиé бо естество́м бых,/ Моим повелéнием
покори́ся и крести́ Мя, соше́дшаго,/ Егóже благословя́т людие и превозно́сят
во вся вéки. (Дважды)

Припев: Сла́ва Тебе́, Бже наш, сла́ва Тебе́.

Тропарь: Глаго́лы яко́же услы́ша Крестите́ль Влады́чни, с трéпетом длань
простира́ет,/ оба́че же, руко́ю косну́вся верху́ Зиждите́ля своего́, Кре́щшемуся
вопя́ше:/ освяти́ мя, Ты бо еси́ Бог мой,/ Егóже благословя́т людие и
превозно́сят во вся вéки.

Припев: Сла́ва Тебе́, Бже наш, сла́ва Тебе́.

Тропарь: Трои́цы явлéние во Иорда́не бысть,/ са́мое бо Пребоже́ственное
Естество́, Оте́ц, возгласи́:/ Сей крещáемый – Сын возлю́бленный Мой,/ Дух же
прииде́ к Подóбному,/ Егóже благословя́т людие и превозно́сят во вся вéки.

Канон Преподбнаго Иринáрха(На 6), Глас 4:

Припев: Преподбне́ о́тче Иринáрше, моли́ Бо́га о нас.

Тропарь: Ангела́ тя во плóти и челове́ка Небснаго ви́дев,/ воево́да ра́ти
инопле́мнныя ублажи́ терпе́ние твоё и му́жество души́ твоея́, о́тче
преподбне́, глаго́ля,/ яко́ такова́го о́тца́ никогда́же ви́де,/ и тако́ просла́ви
Бо́га, препéтаго и превозно́симаго во, вéки. (Дважды)

Припев: Преподобне отче Иринарше, моли Бóга о нас.

Тропарь: Ангелы собесѣдники имѣл еси, преподобне отче, / и, теми укрепляем, гонѣние лютое претерпѣл еси мужески, / гонителем же твоимъ благотворити тщался еси, / присно моляся за нихъ Бóгу, препѣтому и превозносимому во вѣки.

(Дважды)

Благословим Отца и Сына и Святаго Духа, Господа

Ангелов Творецъ, Христосъ Господь, обетования Своя на тебе исполни, Иринарше, отче наш, / и яко претерпевшему до конца всякое злострадание / прозорливства и чудотворения дарова тебе благодать, / еюже зело прославил еси на земли Бóга, препѣтаго и превозносимаго во вѣки.

И ныне и присно и во вѣки вековъ. Аминь.

Богородичен: Ангельское целование приносим Ти с любовью, Богородице Чистая, глаголя: / радуйся, Благодатная, Господь с Тобю. / Ты же радости Небесныя сподоби по долгу Тя ублажающия / и от Тебѣ рождшагося славыящия Богá препѣтаго и превозносимаго во вѣки.

Катавасия , Глас 2:

Хор: *Хвалим, благословим, поклоняемся Господеву, поюще и превозносяще во вся вѣки.*

Ирмос: *Тайну преславную вавилонская показа пещь, источившая росу, / яко струями имяше невестественный Огнь воспряти Иордан / и объяти плотью крещаема Зиждителя, / Ебоже благословят людие / и превозносят во вся вѣки.*

Диакон: Богородицу и Матерь Свѣта в пѣсняхъ возвеличимъ.

Песнь Пресвятой Богородицы:

Хор: Величит душа Моя Господа, / и возрадовася дух Мой о Бóзе Спасе Моёмъ.

Честнейшую Херувим / и Славнейшую без сравнения Серафим, / без истления Бóга Слова рождшую, / сущую Богородицу, Тя величаем.

Яко призрѣ на смирение рабы Своея, / се бо от ныне ублажатъ Мя вси роди.

Честнейшую Херувим / и Славнейшую без сравнения Серафим, / без истления Бóга Слова рождшую, / сущую Богородицу, Тя величаем.

Яко сотвори Мне величие Сильный, / и свято Имя Его, и милость Его в роды родовъ боящимся Его.

Честнейшую Херувим / и Славнейшую без сравнения Серафим, / без истления Бóга Слова рождшую, / сущую Богородицу, Тя величаем.

Сотвори державу мышцею Своею, / расточи гордыя мыслию сердца ихъ.

Честнейшую Херувим / и Славнейшую без сравнения Серафим, / без истления Бóга Слова рождшую, / сущую Богородицу, Тя величаем.

Низложи сильныя со престолъ, и вознесѣ смиренныя; / алчущия исполни благъ, и богатящияся отпусти тщи.

Честнейшую Херувим / и Славнейшую без сравнения Серафим, / без истления Бóга Слова рождшую, / сущую Богородицу, Тя величаем.

Воспрятъ Израиля отрока Своего, помянути милости, / якоже глагола ко отцемъ нашимъ, Аврааму и семени его, даже до века.

**Честнейшую Херувим/ и Славнейшую без сравнения Серафим,/ без
истления Бога Слова рождшую,/ сущую Богородицу, Тя величаем.**

Песнь 9:

Канон Воскресный, глас 6:

Хор:

Ирмос: *Бога человеком не возможно видети, на Небоже не смеют чини
Ангельстии взирати: Тобою же, Всечистая, явися человеком Слово
воплощенно, Ебоже величающе, с Небесными вои Тя ублажаем.*

Чтец:

Припев: **Слава, Господи, святому Воскресению Твоему.**

Тропарь: **Страстей непричастен Ты пребыл еси, Слове Божий, плотию
приобщився страстем: но решиши от страстей человека, страстем быв страсть,
Спасе наш: един бо еси безстрастен, и всесильен.**

Припев: **Слава, Господи, святому Воскресению Твоему.**

Тропарь: **Тлю смертную прием, тления соблюл еси тело Твое невкусно, Твоя
же животворящая и Божественная, Владыко, душа, во аде не оставлена бысть:
но якоже от сна воскрес, нас совоздвигл еси.**

Припев: **Пресвятая Троице, Боже наш, слава Тебе.**

Троичен: **Бога Отца, Сына собезначальна, вси человецы устнами убо чистыми
славим, неизреченную же и преславную Духа Всесвятаго силу чтим: едина бо
еси всесильная Троица неразлучная.**

Канон Праздника Просвещения(На 4), Глас 2:

Припев: **Величай, душе моя,/ Честнейшую горних воинств,/ Деву
Пречистую Богородицу.**

Тропарь: **Давиде, прииди Духом к просвещенным, -/ ныне приступите, - пой к
Богу, -/ верою, - глаголя, - просветитесь/ Сей нищий воззва Адам в падении,
ибо Того услыша Господь,/ пришед, струями Иорданскими тленного же
обнови.**

Припев: **Величай, душе моя,/ во Иордане Пришедшаго креститися.**

Тропарь: **Давиде, прииди Духом к просвещенным, -/ ныне приступите, - пой к
Богу, -/ верою, - глаголя, - просветитесь/ Сей нищий воззва Адам в падении,
ибо Того услыша Господь,/ пришед, струями Иорданскими тленного же
обнови.**

Припев: **Величай, душе моя,/ от Отческаго гласа Свидетельствованна.**

Тропарь: **Исаия, - измыйтеся, очиститесь - глаголет, -/ лукавствия пред
Господем оставите./ Жаждущии, на воду живу идите:/ кропит бо водою,
обновляя, Христос приступающия к Нему верою/ и к животу нестареемому
крещает Духом.**

Припев: **Величай, душе моя,/ Единого от Троицы, преклоньшаго выю и
Крещение приемша.**

Тропарь: **Исаия, - измыйтеся, очиститесь - глаголет, -/ лукавствия пред
Господем оставите./ Жаждущии, на воду живу идите:/ кропит бо водою,
обновляя, Христос приступающия к Нему верою/ и к животу нестареемому
крещает Духом.**

Канон Преподобнаго Иринарха(На 6), Глас 4:

Припев: Преподобне отче Иринарше, моли Бога о нас.

Тропарь: Чужд был еси всякаго лукавства, отче, и только кроток и незлобив,/ яко дивитися учеником твоим, видящим тя, среди лютаго гонения мирно пребывающего духом/ и гонители твоя, яко благодотворцы, почитавшаго,/ на нихже не гневался еси,/ но присно величал еси Христа Жизнодавца. *(Дважды)*

Припев: Преподобне отче Иринарше, моли Бога о нас.

Тропарь: Чужеземцы ляхи, зряще подвиги твоя великия, преподобне отче, умилишася/ и, яко угоднака Божия, тя почитаху,/ тебе ради не расхищая обители твоей святыя./ Ты же им небоязненно правду Божию вещал еси,/ присно величая Христа Жизнодавца. *(Дважды)*

Слава Отцу и Сыну и Святому Духу.

Чужд покоя в затворе твоём был еси, отче Иринарше,/ рукама твоима одежды шивая и ими нищия одевая,/ и во устех молитву Иисусову непрестанно имел еси,/ сердцем и усты твоими немолчно величая Христа Жизнодавца.

И ныне и присно и во веки веков. Аминь.

Богородичен: Чуждых искушений вражеских яви ны, Владычице,/ и в час кончины нашей ускори к нам на помощь,/ прием сомолитвенника Твоего за ны, преподобнаго Иринарха,/ умоли же Сына Твоего и Господа избавити души наша от насилия вражия,/ да, спасеннии Тобю, радостно Тя величаем.

Катавасия , Глас 2:

Ирмос: Недоумееет всяк язык благохвалити по достоянию, / изумевает же ум и премирный пети Тя, Богородице: / обаче Благая сущи, веру приими, / ибо любовь веси Божественную нашу, / Ты бо христиан еси Предстательница, Тя величаем.

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты хвалят вся силы небесныя, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Свят Господь Бог наш.

Хор: Свят Господь Бог наш.

Диакон: Яко Свят Господь Бог наш.

Хор: Свят Господь Бог наш.

Диакон: Над всеми людьми Бог наш.

Хор: Свят Господь Бог наш.

Ексапостиларий воскресный девятый:

Заключенным Владыко дверем, яко вшел еси, апостолы исполнил еси Духа Пресвятаго, мирно дунув: имже вязати же и решати грехи рекл еси: и по осми днех Твоя ребра Фоме показал еси, и руже. С нимже вопием: Господь и Бог Ты еси.

Слава Отцу и Сыну и Святому Духу.

Светилен Преподобнаго Иринарха

Процвел еси, яко крин сельный, во удолиях смирения и терпения, преподобне отче,/ и плодами трудов твоих услаждаеши души наша,/ исцеления подавая от честнаго твоего гроба/ всем, с верою и любовью к тебе притекающим.

И ныне и присно и во веки веков. Аминь.

Светилен Праздника Просвещения

Света незаходимаго бысть настоящий день: / Христос бо Истина прииде ныне и явися. / Псалмы Того достойно и песнями воспоем, яко Содетеля же и Владыку. / О новаго таинства! // Адамов Творец волею Человек явися.

Хвалитны псалмы, глас 6:

Хор: Всякое дыхание да хвалит Господа./ Хвалите Господа с небес,/ хвалите Его в вышних.// Тебе подобает песнь Богу.

Хвалите Его вси Ангели Его,/ хвалите Его вся силы Его.// Тебе подобает песнь Богу.

Чтец: Стихиры воскресные, глас 6:

На 8. Стих: Сотворити в них суд написан:/ слава сия будет всем преподобным Его.

Стихира: Крест Твой, Господи, жизнь и воскресение людем Твоим есть, и надеющися на нь, Тебе воскресшаго Бога нашего поем: помилуй нас.

Стих: Хвалите Бога во святых Его,/ хвалите Его в утвержении силы Его.

Стихира: Погребение Твое, Владыко, рай отверзе роду человеческому: и от истления избавльшися, Тебе воскресшаго Бога нашего поем: помилуй нас.

На 6. Стих: Хвалите Его на силах Его,/ хвалите Его по множеству величества Его.

Стихира: Со Отцем и Духом Христа воспоем, воскресшаго из мертвых, и к Нему вопием: Ты Живот еси наш, и Воскресение, помилуй нас.

Стих: Хвалите Его во гласе трубнем,/ хвалите Его во псалтири и гуслех.

Стихира: Тридневен воскресл еси Христэ от гроба якоже писано есть, совоздвигнувый праотца нашего. Темже Тя и славит род человеческий, и воспевает Твое воскресение.

Стихиры Преподобнаго Иринарха Глас5:

На 4. Стих: Хвалите Его в тимпане и лице, / хвалите Его во струнах и органе.

Стихира: Радуйся, преподобне отче Иринарше,/ звездó Ростовская,/ чудес сияньми всю землю Русскую озарившая./ Радуйся, узнице Христов и стратотерпче вольный,/ от десницы Всевышняго увенчанный./ Радуйся, скорый помощниче всех,/ в молитве тя призывающих./ Потщися помощи и

нам, славящим тя,/ и данною ти от Господа благодатию/ недуги наша душевныя и телесныя исцели,/ прося даровати нам велию милость.

Стих: Хвалите Его в кимвалех dobroгласных, хвалите Его в кимвалех восклицания. / Всякое дыхание да хвалит Господа.

Стихира: Рáдуйся, постниче Господень,/ затворниче терпеливодуще и молитвенниче Богоприятне!/ Рáдуйся, наставниче, Богомудрия Небеснаго преисполненный,/ всех к Богоугождению истинному наставляяй./ Настави и нас, отче, ходити путем Богоугодных исправлений твоих/ и приклонися милостиво ко гласом нашим хвалёбным,/ имиже чествуем с любовью святую память твою,/ Иринарше блаженне.

Стих: Честна пред Господем/ смерть преподобных Его.

Стихира: Рáдуйся, иноков красот,/ терпения правило,/ кротости зеркало,/ чудес Божественных совершителю,/ Иринарше Богонóсе,/ отечество земное лучами чудес твоих озаряяй/ и сими утверждаяй нас в Православной вере./ Темже честную память твою совершающим/ подаждь велию милость.

Стих: Блажен муж, бойся Господа,/ в заповедех Его восхощет зело.

Стихира: Глас 6: Преподобне отче Иринарше,/ во вся концы страны Российския/ изыде вещание многотерпеливаго жития твоего/ и слава чудес твоих./ Великий Ростов тобою красуется,/ и всяко место имать тя заступника,/ идеже имя твое молитвенно призывается./ Темже умильно глаголем:/ угодниче Божий,/ молися ко Господу о спасении всех,/ верно празднующих святую память твою.

Утренняя евангельская стихи́ра 9-я, глас 5:

Слава Отцу и Сыну и Святому Духу.

Яко в последняя лета, сущу позде от суббот предстал еси другом Христе, и чудесем чудо известуеши, заключенным входом дверным, еже из мертвых Твое воскресие: но исполнил еси радости ученики, и Духа Святаго преподал еси им, и власть подал еси оставления грехов и Фомы не оставил еси в неверствия погружаться бури. Темже подаждь и нам разум истинный, и оставление прегрешений благоутробне Господи.

Хор: И ныне и присно и во веки веков. Аминь.

Глас 2:

Преблагословенна еси, Богородице Дево,/ Воплощшим бо ся из Тебе ад пленися,/ Адам возвася,/ клятва потребися,/ Ева свободися,/ смерть умертвися, и мы ожихом./ Тем воспевающе вопием:/ благословен Христос Бог, // благоволивый тако, слава Тебе.

Иерей: Слава Тебе, показавшему нам свет.

Славословие великое:

Хор: Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, вземляй грех мира, помилуй нас; вземляй грехи мира, прими молитву нашу; седяи одесную Отца, помилуй нас. Яко Ты еси

еди́н Свят, Ты еси́ еди́н Госпо́дь, Иису́с Христо́с, в сла́ву Бо́га Отца́. Ами́нь.

На всяк день благословлю́ Тя, и восхваляю́ Имя Твое́ во ве́ки, и в век ве́ка.

Сподоби, Го́споди, в день сей без греха́ сохранитися нам. Благословен еси́, Го́споди, Бо́же отецъ на́ших, и хва́льно и просла́влено Имя Твое́ во ве́ки. Ами́нь.

Бу́ди, Го́споди, мило́сть Твоя́ на нас, я́коже упова́хом на Тя.

Благословен еси́, Го́споди, научи́ мя оправда́нием Твои́м. **(Трижды)**

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою́, я́ко Ты еси́ Бог мой: я́ко у Тебе́ исто́чник живота́, во све́те Твое́м у́зрим свет. Проба́ви мило́сть Твою́ ве́дущим Тя.

Святы́й Бо́же, Святы́й Кре́пкий, Святы́й Безсме́ртный, поми́луй нас. (Трижды)

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Тропа́рь воскресе́нный, глас 2:

Хор: Воскрес из гроба́ и у́зы растерза́л еси́ а́да,/ разруши́л еси́ осужде́ние сме́рти, Го́споди,/ вся от сетей врага́ изба́вивый;/ яви́вый же Себе́ апо́столом Твои́м,/ посла́л еси́ я на про́поведь,/ и те́ми мир Твой по́дал еси́ вселе́нней, // Еди́не Многоми́лостиве.

Ектенiя сугубая:

Диáкон: Поми́луй нас, Бо́же, по вели́цей мило́сти Твое́й, мо́лим Ти ся, услы́ши и поми́луй.

Хор: Го́споди, поми́луй. **(Трижды, на ка́ждое проше́ние)**

Еще́ мо́лимся о Вели́ком Госпо́дине и Отце́ на́шем Святе́йшем Патриáрхе **(Имярек)**, и о Госпо́дине на́шем Высокопреосвященнейшем митрополите (или: архиепи́скопе, или: преосвященнейшем епи́скопе **имярек**), и всей во Христо́е бра́тии на́шей.

Еще́ мо́лимся о Богохрани́мей стране́ на́шей, власте́х и во́инстве ея́, да ти́хое и безмо́льное жити́е поживе́м во вся́ком благоче́стии и чистоте́.

Еще́ мо́лимся о блаже́нных и приснопа́мятных создáтелех свята́го хра́ма сего́, и о всех преждепочи́вших отце́х и бра́тиях, zde лежа́щих и повсю́ду, правосла́вных.

Еще́ мо́лимся о мило́сти, жи́зни, мире, здра́вии, спасе́нии, посеще́нии, проще́нии и оставле́нии грехо́в рабо́в Бо́жиих настоя́теля, бра́тии и прихо́жан свята́го хра́ма сего́.

Еще́ мо́лимся о плодонося́щих и доброде́ющих во святéм и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя мило́сти.

Иерей: Я́ко Милостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в.

Хор: Ами́нь.

Ектенiя проси́тельная:

Диáкон: Исполним у́треннюю моли́тву на́шу Го́сподеви.

Хор: Го́споди, поми́луй.

Диáкон: Заступи́, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, поми́луй.

Диáкон: Днѣ всего совершенна, свѣта, мирна и безгрѣшна у Гóспода прóсим.

Хор: Подáй, Гóсподи. *(На каждое прошение)*

Диáкон: Ангела мирна, вѣрна наставника, хранителя душ и телес наших, у Гóспода прóсим.

Прощенiя и оставленiя грехов и прегрешенiй наших у Гóспода прóсим.

Добрых и полезных душам нашим и мира мiрови у Гóспода прóсим.

Прóчее время животá нашего в мiре и покаянии скончати у Гóспода прóсим.

Христианския кончiны животá нашего, безболѣзненны, непостыдны, мирны и добраго отвѣта на Страшнем Судищи Христóве прóсим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живóт наш Христóу Бóгу предадим.

Хор: Тебѣ, Гóсподи.

Иерей: Яко Благ и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Амiнь.

Иерей: Мир всем.

Хор: И дóухови твоему.

Диáкон: Главы наша Гóсподеви приклóним.

Хор: Тебѣ, Господи.

Иерей: Твое бо есть, еже милovati и спасати ны, Бóже наш, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Амiнь.

Диáкон: Премудрость.

Хор: Благослови.

Иерей: Сый благословен Христóс Бог наш, всегда, ныне и присно и во веки веков.

Хор: Амiнь. Утверди, Бóже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без исленiя Бóга Слово рóждшую, сущую Богородицу, Тя величаем.

Иерей: Слава Тебѣ, Христé Бóже, Упованiе наше, слава Тебѣ.

Хор: Слава Отцу и Сыну и Святому Духу и ныне и присно и во веки веков. Амiнь.

Гóсподи, помилуй. *(Трижды)*

Благослови.

Отпуст.

Иерей: Воскресый из мертвых Христóс, Истинный Бог наш...

Многолетие:

ЧИТАЕТСЯ ПЕРВЫЙ ЧАС:

Чтец: Приидите, поклонимся Царéви нашему Бóгу.

Приидите, поклонимся и припадём Христóу, Царéви нашему Бóгу.

Приидите, поклонимся и припадём Самóму Христóу, Царéви и Бóгу нашему.

Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающии на Тя, во век возрадуются, и вселишия в них, и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89:

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестечет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьмдесят лет, аще же в силах, осьмдесят лет, и множае их труд и болезнь: яко прииде кратость на ны, и накажемся. Кто вест державу гнева Твоего, и от страха Твоего, ярость Твою исчести? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагаях пред очима моима вещь законопреступную: творящыя преступление возненавидех. Не прильпе мне сердце строптиво, уклоняющагося от мене лукаваго не познах. Оклеветашаго тай искреняго своего, сего изгонях: гордым оком, и несытым сердцем, с сим не ядях. Очи мои на верныя земли, посаждати я со мною: ходяй по пути непорочно, сей ми

сужáше. Не живяше посреде́ дому моего́ творя́й горды́ню, глаго́ляя неправедная, не исправляше пред очима́ мойма. Во у́трия избива́х вся грешныя земли́, е́же потребити от гра́да Господня́ вся де́лающыя беззаконiе.

Сла́ва Отцу́ и Сы́ну и Свято́му Ду́ху и ны́не и присно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Го́споди, помилуй. (Трижды)

Тропа́рь воскресный, глас 6:

Ангельския Си́лы на гробе́ Твоем, и стрегу́щи омертвеша: и стояше Мари́а во гробе́, и́щущи Пречи́стаго Те́ла Твоего́. Пленил еси́ ад, не иску́сився от него́: срéтил еси́ Де́ву да́руяй живо́т. Воскресый из ме́ртвых, Го́споди, сла́ва Тебе́.

Сла́ва Отцу́ и Сы́ну и Свято́му Ду́ху.

Тропа́рь Праздника́ Просвещенiя Глас 1:

Во Иорда́не крещáющуся Тебе́, Го́споди,/ Трoйчeское яви́ся поклонéние:/ Родителев бо глас свидéтельствoваше Тебе́,/ возлюбленнаго Тя Сына имену́я,/ и Дух в ви́де голуби́не,/ извéствоваше словесе утверждéние./ Явлéйся Христé Бо́же,/ и мир просвещéй, сла́ва Тебе́.

И ны́не и присно и во ве́ки веко́в. Ами́нь.

Что Тя наречём, о Благодáтная? Не́бо, я́ко возсия́ла еси́ Со́лнце Пра́вды. Рай, я́ко прозяблá еси́ цвет нетлéния Де́ву, я́ко пребылá еси́ нетлéнна. Чистую Ма́терь, я́ко имéла еси́ на святы́х Твои́х объ́ятиях Сы́на, всех Бо́га. Того́ моли́ спасти́ся душáм нáшим.

Стопы́ моя́ напра́ви по словеси́ Твоему́ и да не облада́ет мно́ю вся́кое беззаконiе. Избáви мя от клеветы́ челове́ческой, и сохрани́ за́поведи Твоя́. Лице́ Твое́ просвети́ на раба́ Твоего́ и на́учи мя оправдáнием Твои́м.

Да испoлнятся уста́ моя́ хвалéния Твоего́, Го́споди, я́ко да воспoю́ сла́ву Твою́, весь день великолéпие Твое́.

Трисвято́е по Отче наш:

Чтец: Святы́й Бо́же, Святы́й Кре́пкий, Святы́й Безсме́ртный, помилуй нас. (Трижды)

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Пресвята́я Трoице, помилуй нас; Го́споди, очисти́ грехи́ нáша; Влады́ко, прости́ беззаконiя нáша; Святы́й, посети́ и исцели́ немо́щи нáша, имене́ Твоего́ ра́ди.

Го́споди, помилуй. (Трижды)

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Отче наш, Иже еси́ на Небесéх, да святит́ся и́мя Твое́, да приидет Цáрствие Твое́, да б́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги нáша, я́коже и мы оставля́ем должникoм нáшим; и не введи́ нас во иску́шение, но избáви нас от лука́ваго.

Иерей: Я́ко Твое́ есть Цáрство и си́ла и сла́ва Отца́ и Сы́на и Свята́го Ду́ха, ны́не и присно и во ве́ки веко́в.

Хор: Амiнь.

Кондак Праздника Просвещенiя Глас 4:

Явился еси днесь вселенней, / и свет Твой, Господи, знаменася на нас, / в разуме поющих Тя: / пришел еси и явился еси, // Свет неприступный.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ́ Бóже, Долготерпеливе, Многомилостиве, Многоблагуотрбне, Иже праведныя любяй и грешныя милуяй, Иже вся зовый ко спасенiю обещанiя ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединенiе веры и в разум неприступныя Твоея славы, яко благословен еси во веки веков, амiнь.

Господи помилуй. (Трижды)

Слава Отцу́ и Сыну́ и Святому́ Духу́ и ныне́ и присно́ и во веки веков. Амiнь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Бóже, ущедри ны и благослови ны, просвети лице Твое на ны и помилуй ны.

Чтец: Амiнь.

Иерей: Христэ́, Свете Истинный, просвещаяй и освящаяй всякаго человека, грядущаго в мир, да знаменася на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, амiнь.

Кондак Праздника Просвещенiя Глас 4:

Явился еси днесь вселенней, / и свет Твой, Господи, знаменася на нас, / в разуме поющих Тя: / пришел еси и явился еси, // Свет неприступный.

Иерей: Слава Тебе́, Христэ́ Бóже, упование наше, слава Тебе́.

Хор: Слава Отцу́ и Сыну́ и Святому́ Духу́ и ныне́ и присно́ и во веки веков. Амiнь.

Господи, помилуй. (Трижды.)

Благослови́.

Отпуст.

Иерей: Воскресый из мертвых, Христос, истинный Бог наш, молитвами пречистыя Своея Матере, преподобных и Богоносных отец наших и всех святых, помилует и спасет нас, яко Благ и Человеколюбец.

Хор: Господи, помилуй. (Трижды)

Третий час:

Иерей: Благословен Бог наш всегда, ныне́ и присно́, и во веки веков.

Чтец: Амiнь. Слава Тебе́, Бóже наш, слава Тебе́.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятое по Отче наш:

Чтец: Святыи Бже, Святыи Крепкий, Святыи Безсмертный, помилуй нас.
(Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь. Господи, помилуй. *(12 раз)*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 16:

Услыши, Господи, правду мою, вонми молению моему, внуши молитву мою не во устнах лстивых. От лица Твоего судьба моя изыдет, очи мои да видят правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Бже, приклони ухо Твое мне и услыши глаголы моя. Удиви милости Твоя, спасаая уповающыя на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящи мя ныне обыдоша мя, очи свои возложиша уклонити на землю. Обьяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животe их, и сокровенных Твоих исполнися чрево их, насытишася сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоей.

Псалом 24:

К Тебѣ, Господи, воздвигохъ душу мою, Божѣ мой, на Тя уповахъ, да не постыжуся во век, ниже да посмеютъ ми ся врази мои, ибо вси терпящии Тя не постыдятся. Да постыдятся беззаконнующии вотще. Пути Твоя, Господи, скажи ми, и стезямъ Твоимъ научи мя. Настави мя на истину Твою, и научи мя, яко Ты еси Богъ Спас мой, и Тебѣ терпѣхъ весь день. Помяни щедроты Твоя, Господи, и милости Твоя, яко отъ вѣка суть. Грѣхъ юности моея, и невѣдения моего не помяни, по милости Твоей помяни мя Ты, ради благодати Твоея, Господи. Благъ и правъ Господь, сего ради законоположитъ согрѣшающимъ на пути. Наставитъ кроткiя на суд, научитъ кроткiя путемъ Своимъ. Вси пути Господни милость и истина, взыскающимъ завета Его, и свидѣния Его. Ради имени Твоего, Господи, и очисти грѣхъ мой, многъ бо есть. Кто есть человекъ бояйся Господа? Законоположитъ ему на пути, егѣже изволи. Душа его во благихъ водворится, и сѣмя его наслѣдитъ зѣмлю. Держава Господь боящихся Его, и заветъ Его явитъ им. Очи мои выну ко Господу, яко Той исторгнетъ отъ сѣти нозе мои. Призри на мя и помилуй мя, яко единородъ и нищъ есмь азъ. Скорби сердца моего умножишася, отъ нуждъ моихъ изведи мя. Видь смиренiе мое, и трудъ мой, и остави вся грѣхи моя. Видь враги моя, яко умножишася, и ненавидѣниемъ неправеднымъ возненавидѣша мя. Сохрани душу мою, и избави мя, да не постыжуся, яко уповахъ на Тя. Незлобиви и правии прилеплюхся мне, яко потерпѣхъ Тя, Господи. Избави, Божѣ, Израиля отъ всехъ скорбей его.

Псалом 50:

Помилуй мя, Божѣ, по велицей милости Твоей, и по множеству щедротъ Твоихъ очисти беззаконiе мое. Наипаче омый мя отъ беззаконiя моего, и отъ грѣха моего очисти мя; яко беззаконiе мое азъ знаю, и грѣхъ мой предо мною есть выну. Тебѣ Единому согрѣшихъ и лукавое предъ Тобою сотворихъ, яко да оправдишися во словесехъ Твоихъ, и победиши внигда судити Ти. Се бо, в беззаконiихъ зачатъ есмь, и во грѣсѣхъ роди мя мати моя. Се бо, истину возлюбилъ еси; безвѣстная и тайная премудрости Твоея явилъ ми еси. Окропиши мя иссопомъ, и очищуся; омыеши мя, и паче снѣга убелюся. Слуху моему даши радость и веселие; возрадуются кости смиренныя. Отврати лице Твое отъ грѣхъ моихъ и вся беззаконiя моя очисти. Сердце чисто созижди во мнѣ, Божѣ, и духъ правъ обнови во утробѣ моей. Не отвержи мене отъ лица Твоего и Духа Твоего Святаго не отыми отъ мене. Воздаждь ми радость спасенiя Твоего и Духомъ Владычнимъ утверди мя. Научу беззаконныя путемъ Твоимъ, и нечестивии къ Тебѣ обратятся. Избави мя отъ кровей, Божѣ, Божѣ спасенiя моего; возрадуется языкъ мой правдѣ Твоей. Господи, устне мои отверзеша, и уста моя возвестятъ хвалу Твою. Яко аще бы восхотѣлъ еси жертвы, далъ быхъ убо: всесожженiя не благоволиши. Жертва Богу духъ сокрушенъ; сердце сокрушенно и смиренно Богъ не унижитъ. Ублажи, Господи, благоволенiемъ Твоимъ Сиона, и да созиждутся стѣны Иерусалимския. Тогда благоволиши жертву правды, возношенiе и всесожегаемая; тогда возложатъ на олтарь Твой тельцы.

Слава Отцу и Сыну и Святому Духу и ныне и присно и во веки вековъ. Аминь.

Аллилуи́а, аллилу́иа, аллилу́иа, сла́ва Тебе́ Бо́же. (Трижды)

Го́споди, поми́луй. (Трижды)

Тропа́рь воскре́сный, глас 6:

Ангельския Си́лы на гробе́ Твое́м, и стрегу́щи омертвеша: и стояше Мари́а во гробе́, и́щущи Пречи́стаго Те́ла Твоего́. Пленил еси́ ад, не иску́сился от него́: сре́тил еси́ Де́ву да́руяй живо́т. Воскресы́й из ме́ртвых, Го́споди, сла́ва Тебе́.

Сла́ва Отцу́ и Сы́ну и Свято́му Ду́ху.

Тропа́рь Преподобнаго Иринарха Глас 4:

Яко му́ченика добропроизво́льна/ и преподобных удобре́ние,/ звезду́ Ростовскую,/ в затво́ре, у́зах и вери́гах Го́сподеви благоугоди́вшего/ и чудес́ благода́ть от Него́ прие́мшаго,/ Иринарха предивнаго пе́снями хвале́бными почти́м/ и, к нему́ припадающе, умильно глаго́лем:/ о́тче преподобне, мо́ли Христа́ Бо́га/ спасти́ся ду́шам на́шим.

И ны́не и при́сно и во ве́ки веко́в. Ами́нь.

Богоро́дице, Ты еси́ лоза́ и́стинная, возрасти́вшая нам Плод живото́а, Тебе́ мо́лимся: моли́ся, Влады́чице, со святы́ми апо́столы поми́ловати ду́ши на́ша.

Госпо́дь Бог благослове́н, благослове́н Госпо́дь день дне,/ поспешит нам Бог спасе́ний на́ших, Бог наш, Бог спаса́ти.

Трисвято́е по Отче наш:

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас. (Трижды)

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Пресвята́я Трои́це, поми́луй нас; Го́споди, очисти́ грехи́ на́ша; Влады́ко, прости́ беззакония́ на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй. (Трижды)

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Отче наш, Иже еси́ на Небесе́х, да святит́ся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должником́ на́шим; и не введи́ нас во искуше́ние, но изба́ви нас от лука́ваго.

Иерей: Яко́ Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и при́сно и во ве́ки веко́в.

Хор: Ами́нь.

Кондак октоиха, глас 6

Живонача́льною длáнию, умершы́я от мра́чных удо́лий, Жизнода́вец воскресив́ все́х Христо́с Бо́г, воскресение́ подаде́ челове́ческому роду́: е́сть бо все́х Спаси́тель, Воскресе́ние и Живо́т, и Бо́г все́х.

Го́споди, поми́луй. (40 раз)

Иже на вся́кое вре́мя и на вся́кий час, на Небеси́ и на земли́, покланя́емый и сла́вимый, Христе́ Бо́же, Долготерпели́ве, Многоми́лостиве, Многоблаготро́бне, Иже пра́ведныя любя́й и грешны́я ми́луяй, Иже вся зовы́й

ко спасенiю обещанiя ради б́удущих благ. Сам, Ѓсподи, прими и наша в час сей молитвы и исправи живóт наш к заповедем Твоим, д́уши наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаемы и наставляемы, достигнем в соединенiе веры и в разум неприступныя Твоея славы, яко благословен еси во веки веков, аминь.

Ѓсподи помилуй. (Трижды)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Ѓсподи Иисусе Христе, Боже наш, помилуй нас.

Чтец: Аминь. Владыко Боже Отче Вседержителю, Ѓсподи Сыне Единородный Иисусе Христе, и Святой Д́уше, Еди́но Божество, Еди́на Си́ла, помилуй мя, грешнаго, и и́миже ве́си судьба́ми, спаси́ мя, недостойнаго раба́ Твоего́, яко благословен еси́ во веки веков, аминь.

Шестой час:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 53:

Бо́же, во и́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Яко чу́ждии воста́ша на мя и кре́пцыи взыска́ша д́ушу мою́, и не предложи́ша Бо́га пред собо́ю. Се бо Бог помога́ет ми, и Госпо́дь Засту́пник души́ мое́й. Отврати́т зла́я враго́м мои́м, и́стиною Твое́ю потреби́ их. Волею́ пожру́ Тебе́, испове́мся и́мени Твоему́, Ѓсподи, яко́ благо, яко́ от всякия печа́ли изба́вил мя еси́, и на враги́ моя́ возре́ око́ мое́.

Псалом 54:

Внуши́, Бо́же, моли́тву мою́ и не презри́ моления́ моего́. Вонми́ ми и услы́ши мя: возскорбе́х печа́лию мое́ю и смято́хся. От гла́са вра́жия и от стуженiя грешни́ча, яко́ уклони́ша на мя беззаконiе и во гнѣве враждова́ху ми. Сердце́ мое́ смяте́ся во мне и боя́знь сме́рти нападе́ на мя. Страх и трѣпет прииде́ на мя и покры́ мя тьма. И рех: кто́ даст ми криле́, яко́ голубине́, и полещу́, и почи́ю? Се удали́хся бе́гая и водвори́хся в пусты́ни. Ча́ях Бо́га, спаса́ющаго мя от малоду́шия и от бу́ри. Потопи́, Ѓсподи, и раздели́ язы́ки их: яко́ видех беззаконiе и пререка́ние во гра́де. Днем и но́щию обы́дет и́ по стена́м его́. Беззаконiе и труд посреде́ его́ и неправда. И не оскуде́ от стогн его́ ли́хва и лесть. Яко́ а́ще бы враг поноси́л ми, претерпе́л бых у́бо, и а́ще бы ненави́дья́ мя на мя велере́чевал, укры́л бых ся от него́. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в дому́ Божии́ ходи́хом единомышленiем. Да приидет же смерть на ня, и да снiдут во ад жи́ви, яко́ лука́вство в жили́щах их, посреде́ их. Аз к Бо́гу воззва́х,

и Господь услыша мя. Вечер и завтра, и полудне повею, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им измененiя, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елса, и та суть стрелы. Возврати на Господа печаль твою, и Той тя препитает, не даст в век молвы праведнику. Ты же, Боже, низведеша их во студенец истления, мужие кровей и лести не преполовят дней своих. Аз же, Господи, уповаю на Тя.

Псалом 90:

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешься: оружием обыдет тя истина Его. Не убойшия от страха ночнаго, от стрелы летящия во дни, от вещи во тме преходящия, от сряца и беса полуденнаго. Падет от страны твоея тысяща, и тма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрыю и, яко позна имя Мое. Воззовет ко Мне и услышу его, с ним есмь в скорби, изму его и прославлю его, долготою дней исполню его и явлю ему спасение Мое.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Тропарь воскресный, глас 6:

Ангельския Силы на гробе Твоем, и стрегущи омертвеша: и стояше Мариа во гробе, ищущи Пречистаго Тела Твоего. Пленил еси ад, не искусився от него: сретил еси Деву даруяй живот. Воскресый из мертвых, Господи, слава Тебе.

Слава Отцу и Сыну и Святому Духу.

Тропарь Праздника Просвещения Глас 1:

Во Иордане крещаящуся Тебе, Господи,/ Тройческое явися поклонение:/ Родителей бо глас свидетельствоваше Тебе,/ возлюбленнаго Тя Сына именуя,/ и Дух в виде голубине,/ извествоваше словесе утверждение./ Явлейся Христэ Боже,/ и мир просвещей, слава Тебе.

И ныне и присно и во веки веков. Аминь.

Яко не имамы дерзновения за премногия грехи наша, Ты иже от Тебе Родшагося моли, Богородице Дево, много бо может моление Матернее ко благосердию Владыки. Не презри грешных мольбы, Всечистая, яко милостив есть и спасти могый, Иже и страдати о нас изволивый.

Скóро да предварят ны щедрóты Твоя, Гóсподи, яко обнищáхом зело; помози нам, Бóже, Спасе наш, славы ради Имене Твоего, Гóсподи, избáви нас и очисти грехи нáша, Имене ради Твоего.

Трисвятóе по Отче наш:

Чтец: Святы́й Бóже, Святы́й Крѣпкий, Святы́й Безсмѣртный, помилуй нас.
(Трижды)

Слава Отцу́ и Сы́ну и Свято́му Духу, и ны́не и присно и во ве́ки веко́в. Ами́нь.

Пресвятáя Трóице, помилуй нас; Гóсподи, очисти грехи нáша; Влады́ко, прости беззаконiя нáша; Святы́й, посети́ и исцели́ немо́щи нáша, имене Твоего́ ради.

Гóсподи, помилуй. *(Трижды)*

Слава Отцу́ и Сы́ну и Свято́му Духу, и ны́не и присно и во ве́ки веко́в. Ами́нь.

Отче наш, Иже еси́ на Небесéх, да святит́ся и́мя Твое, да приидет Цáрствие Твое, да бóдет во́ля Твоя́, яко на Небеси́ и на земли́. Хлеб наш насущный да́ждь нам днесь; и остави́ нам долги нáша, якоже и мы оставляем должником нашим; и не введи́ нас во искушени́е, но избáви нас от лукаваго.

Иерей: Яко Твое есть Цáрство и сила и слава Отца́ и Сы́на и Свята́го Духа, ны́не и присно и во ве́ки веко́в.

Хор: Ами́нь.

Кондак Преподобнаго Иринарха Глас 2:

Волнени́й мно́жество жестóким жити́ем преходя́, / изгна́ние, затво́р и узы желе́зные претерпел еси́ му́жески, Иринáрше терпеливоду́шне, / нам оставль образ злострада́ния и терпѣния твоего́, / озаря́я чудес блиста́ньми с ве́рою приходя́щих к честнóму грóбу твоему́, / у него́же, яко по́честь побѣдную, вери́ги твоя́ тяжкия́ ви́дим, / от нихже подае́ши исцелѣния недужным. / Сего́ ради зовѣм ти: / ра́дуйся, Иринáрше, óтче предивный.

Гóсподи, помилуй. *(40 раз)*

Иже на всякое вре́мя и на всякий час, на Небеси́ и на земли́, покланя́емый и сла́вимый, Христé Бóже, Долготерпели́ве, Многоми́лостиве, Многоблагоутрóбне, Иже пра́ведныя любя́й и грѣшныя ми́луяй, Иже вся зовы́й ко спасени́ю обеща́ния ради́ бóдущих благ. Сам, Гóсподи, прими́ и нáша в час сей моли́твы и исправи́ живóт наш к заповедем Твои́м, ду́ши нáша освяти́, телеса́ очисти́, помышлѣния исправи́, мы́сли очисти́ и избáви нас от всякия скóрби, зол и болѣзней, огради́ нас святы́ми Твои́ми Ангелы, да ополче́нием их соблюда́еми и наставля́еми, дости́гнем в соединѣние ве́ры и в ра́зум неприступны́я Твоя́ славы, яко благословѣн еси́ во ве́ки веко́в, ами́нь.

Гóсподи помилуй. *(Трижды)*

Слава Отцу́ и Сы́ну и Свято́му Духу и ны́не и присно и во ве́ки веко́в. Ами́нь.

Честне́йшую Херувим и сла́внейшую без сравне́ния Серафим, без истлѣния Бóга Сло́ва рóждшую, сущую Богородицу, Тя велича́ем.

Именем Господним благослови, отче.

Иерей: Молитвами святых отец наших, Господи Иисусе Христе, Боже наш, помилуй нас.

Чтец: Аминь. Боже и Господи сил и всяя твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присноущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

Божественная литургия:

Диакон: Благослови, владыко.

Иерей: Благословено Царство Отца и Сына и Святаго Духа, ныне и присно и во веки веков.

Хор: АМИНЬ.

Великая ектения:

Диакон: Миром Господу помолимся.

Хор: Господи, помилуй.

Диакон: О Свѣшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих во нь, Господу помолимся.

О великом Господине и Отце нашем Святѣйшем Патриархе **(Имярек)**, и о Господине нашем, Высокопреосвященнейшем митрополите (или: архиепископе, или: преосвященнейшем епископе **имярек**), честнем пресвитерстве, во Христе диаконстве, о всем причте и людех, Господу помолимся.

О Богохранимем странѣ нашей, властѣх и воинстве ея, Господу помолимся.

О граде сем (или о веси сей), всяком граде, странѣ и верою живущих в них, Господу помолимся.

О благорастворении воздушных, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: АМИНЬ.

Первый антифон, псалом 102:

Хор: Благослови, душе моя, Господа, / благословен еси Господи. /

Благослови, душе моя, Господа, / и вся внутренняя моя / имя святое Его. /
Благослови, душе моя, Господа, / и не забывай всех воздаяний Его, /
очищающего вся беззакония твоя, / исцеляющего вся недуги твоя, /
избавляющего от истления живот твой, / венчающего тя милостию и
щедротами, / исполняющего во благих желание твое: / обновится яко орля
юность твоя. / Твори милостины Господь, / и судьбу всем обидимым. / Сказав
пути Свое Моисею, / сыновом Израилевым хотения Своя: / Щедр и Милостив
Господь, / Долготерпелив и Многомилостив. / Не до конца прогневается, / ниже
во век враждует, / не по беззаконием нашим сотворил есть нам, / ниже по
грехом нашим воздал есть нам. / Яко по высоте небесней от земли, / утвердил
есть Господь милость Свою на боящихся Его. / Елико отстоят востоцы от
запад, / удалил есть от нас беззакония наша. / Якоже щедрит отец сыны, /
ущедри Господь боящихся Его. / Яко Той позна создание наше, / помяну, яко
персть есмь. / Человек, яко трава дние его, / яко цвет сельный, тако оцветет, /
яко дух пройде в нем, / и не будет, и не познает ктому места своего. / Милость
же Господня от века и до века на боящихся Его, / и правда Его на сынех сынов,
хранящих завет Его, и помнящих заповеди Его творити я. / Господь на Небеси
уготова Престол Свой, / и Царство Его всеми обладает. / Благословите Господа
вси Ангели Его, / сильнии крепостию, творящии слово Его, услышати глас
словес Его. / Благословите Господа вся Силы Его, / слуги Его, творящии волю
Его. / Благословите Господа вся дела Его, на всяком месте владычества Его. /

Благослови, душе моя, Господа, / и вся внутренняя моя / имя святое Его. //
Благословен еси, Господи.

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву
Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и
присно и во веки веков.

Хор: Аминь.

Второй антифон, псалом 145:

Хор: Хвали, душе моя, Господа. / Восхваляю Господа в животе моем, / пою Богу
моему, дондеже есмь. / Не надейтесь на князи, на сыны человеческия, / в нихже
несть спасения. / Изыдет дух его / и возвратится в землю свою. / В той день
погибнут вся помышления его. / Блажен, емуже Бог Иаковль Помощник его, /
упование его на Господа Бога своего, / сотворшаго небо и землю, / море и вся,
яже в них, / хранящаго истину в век, / творящаго суд обидимым, / дающаго
пищу алчущим. / Господь решит окованныя. / Господь умудряет слепцы. /

Господь возводит низверженныя./ Господь любит праведники./ Господь хранит пришельцы,/ сира и вдову примет/ и путь грешных погубит./ Воцарится Господь во век, // Бог твой, Сионе, в род и род.

Слава Отцу и Сыну и Святому Духу и ныне и присно и во веки веков. Аминь.

Единородный Сыне:

Единородный Сыне и Слове Божий, Безсмертен Сый/ и изволивый спасения нашего ради/ воплотится от Святыя Богородицы и Приснодевы Марии,/ непреложно вочеловечивыйся,/ распныйся же, Христэ Бже, смертью смертью поправый,/ Един Сый Святыя Троицы, // прославляемый Отцу и Святому Духу, спаси нас.

Ектенiя малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Бже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Третий антифон, Блаженны:

Хор: Во Царствии Твоем помяни нас, Господи, егда приидеши, во Царствии Твоем.

На 12: Блажени нищии духом, яко тех есть Царство Небесное.

Воскресные, глас 6:

Тропарь: Помяни мя, Бже Спасе мой, егда приидеши во Царствии Твоем, и спаси мя яко един Человеколюбец.

Блажени плачущии, яко тии утешатся.

Тропарь: Древом Адама прельстившагося, Древом крестным паки спасл еси и разбойника, вопиюща: помяни мя, Господи, во Царствии Твоем.

На 10: Блажени кротции, яко тии наследят землю.

Тропарь: Адова врата и вереи сокрушивый, Жизнодавче, воскресил еси вся, Спасе, вопиющыя: слава востанию Твоему.

Блажени алчущии и жаждущии правды, яко тии насытятся.

Тропарь: Помяни мя, Иже смерть пленивый погребением Твоим, и воскресением Твоим радости вся исполнимый, яко благоутробен.

На 8: Блажени милостивии, яко тии помиловани будут.

Песнь 8 канона Праздника Просвещения, Глас 2:

Ирмос: Тайну преславную вавилонская показа пещь,/ источившая росу,/ яко струями имяше невестственный Огнь воспряти Иордан/ и объяти плотию крещаемая Зиждителя,/ Егоже благословят людие и превозносят во вся веки.

Блажени чистии сёрдцем, яко тии Бóга узрят.

Тропарь: Отложи страх весь, – Избáвитель Предтечи рече, –/ Мне же повинися, яко Благому,/ Мне приступи, сие бо естеством бых,/ Моим повелением покорися и крести Мя, сошедшаго,/ Егóже благословят людие и превозносят во вся веки.

На 6 Блажени миротворцы, яко тии сынове Бóжии нарекутся.

Тропарь: Глаголы якоже услыша Креститель Владычни, с трепетом длань простирает,/ обаче же, рукою коснувся верху Зиждителя своего, Крещшемуся вопияше:/ освяти мя, Ты бо еси Бог мой,/ Егóже благословят людие и превозносят во вся веки.

Блажени изгнани правды ради, яко тех есть Цáрство Небесное.

Тропарь: Троицы явление во Иордане бысть,/ самое бо Пребожественное Естество, Отец, возгласи:/ Сей крещаемый – Сын возлюбленный Мой,/ Дух же прииде к Подобному,/ Егóже благословят людие и превозносят во вся веки.

На 4: Блажени есте, егда поносят вам, и изженут, и рекут всяк зол глагол на вы, лжуще Мене ради.

Песнь 6 канона Преподобнаго Иринарха, Глас 4:

Тропарь: Яко верный последователь Христа Бóга,/ смирен и незлобив был еси, Иринарше преблаженне,/ моляся выну за враги и гонители твоя./ Молим тя, преподобне,/ научи и нас твоему непамятозлобию/ и ко Христу путеводи нас молитвами твоими,/ да не погибнем в бездне греховней.

Ра́дуйтесь и веселитесь, яко мзда ва́ша мно́га на Небесех.

Тропарь: Яко безплотен воистинну, отче,/ всякое злострадание телесное терпел еси мужески, утеснитель быв твоему телу,/ еже желёзными узами неослабно истнил еси,/ да от бездны греховныя изыдет живот твой.

Сла́ва Отцу́ и Сы́ну и Свято́му Ду́ху.

Тропарь: Яко крепкий ратоборец, в доспехи желёзный одеявся, преподобне,/ враги невидимый побеждал еси/ и, вся искушения диавольская отражая,/ воистинну был еси столп непоколебим благочестия и подвижник совершенный о Христе,/ в нёмже тля греховная никакоже обретется.

И ны́не и при́сно и во ве́ки веко́в. Ами́нь.

Богородичен Яко воистинну прибежище непостыдное христианом,/ щит и покров, Ма́ти Бóжия,/ воспевающий Тя бед и скорбей свободи./ Тя бо Еди́ну, благословенную в женах, немолчными песнями хвалёбными ублажаем.

Ма́лый вход (с Ева́нгелием):

Диáкон: Премудрость, прбсти.

Хор: Приидите, поклонимся и припадём ко Христу. Спаси ны, Сыне Бóжий, Воскресый из мёртвых, поющия Ти: аллилуиа.

Тропарі и кондакі по входе:

В храме Господском

Тропа́рь воскрeсный, глас 6:

Ангельския Силы на гробе Твоем, и стрегущии омертвеша: и стояше Мари́а во гробе, ищущи Пречистаго Тела Твоего. Пленил еси ад, не искусився от него:

срѣтил еси Дѣву даруяй живѣт. Воскресый из мѣртвых, Господи, слава Тебѣ.

Тропарь Праздника Просвещенiя Глас 1:

Во Иорданѣ крещáющуся Тебѣ, Господи,/ Трѣйческое явiся поклоненiе:/ Родителев бо глас свидѣтельствоваше Тебѣ,/ возлюбленнаго Тя Сына именуя,/ и Дух в видѣ голуби́не,/ извѣствоваше словесе утверждѣние./ Явлѣйся Христѣ Бѣже,/ и мир просвещѣй, слава Тебѣ.

Тропарь Преподобнаго Иринарха Глас 4:

Яко мученика добропроизвольна/ и преподобных удобренiе,/ звезду Ростовскую,/ в затворѣ, узах и вери́гах Господевѣ благоугодившаго/ и чудесъ благодать от Него́ приѣмшаго,/ Иринарха предивнаго пѣсньми хвалѣбными почтiм/ и, к нему́ припадающе, умильно глаголем:/ ѡтче преподобне, моли Христа́ Бѣга/ спастися душамъ нашимъ.

Кондак октоиха, глас 6

Живоначальною длáнию, умершья от мрачныхъ удѣлий, Жизнодавецъ воскресивъ всѣхъ Христѣс Бѣгъ, воскресенiе подаде́ человѣческому роду: е́сть бо всѣхъ Спаситель, Воскресенiе и Живѣт, и Бѣгъ всѣхъ.

Слава Отцу́ и Сыну́ и Святому́ Духу.

Кондак Преподобнаго Иринарха Глас 2:

Волнѣний мно́жество жесто́ким житиѣмъ преходя́,/ изгна́ние, затворъ и узы желѣзныя претерпѣл еси́ мужески, Иринарше терпеливоду́шне,/ нам оста́вь образъ злострада́ния и терпѣния твоего́,/ озаря́я чудесъ блиста́ньми с вѣрою приходя́щихъ к честному́ грѣбу твоему́,/ у него́же, я́ко по́честъ побѣдную, вери́ги твоя́ тяжкия́ видимъ,/ от ни́хже подае́ши исцелѣния недужнымъ./ Сего́ ради́ зове́мъ ти:/ раду́йся, Иринарше, ѡтче предивный.

И ныне и присно и во веки веков. Аминь.

Кондак Праздника Просвещенiя Глас 4:

Явился еси́ днесь вселѣнней, / и свет Твой, Господи, зна́менася на нас, / в разумѣ пою́щихъ Тя: / пришѣл еси́ и явился еси́, // Свет непресту́пный.

В храме Богородичномъ и Святого́:

Тропарь воскресный, глас 6:

Ангельския́ Силы́ на грѣбе Твоемъ, и стрегу́щи омертвѣша: и стояше Мари́а во грѣбе, и́щущи Пречи́стаго Тѣла Твоего́. Пленилъ еси́ адъ, не иску́сився от него́: срѣтил еси́ Дѣву даруяй живѣт. Воскресый из мѣртвых, Господи, слава Тебѣ.

Тропарь Праздника Просвещенiя Глас 1:

Во Иорданѣ крещáющуся Тебѣ, Господи,/ Трѣйческое явiся поклоненiе:/ Родителев бо глас свидѣтельствоваше Тебѣ,/ возлюбленнаго Тя Сына именуя,/ и Дух в видѣ голуби́не,/ извѣствоваше словесе утверждѣние./ Явлѣйся Христѣ Бѣже,/ и мир просвещѣй, слава Тебѣ.

[Тропарь Храма]

Тропарь Преподобнаго Иринарха Глас 4:

Яко мученика добропроизвольна/ и преподобныхъ удобренiе,/ звезду Ростовскую,/ в затворѣ, узах и вери́гах Господевѣ благоугодившаго/ и чудесъ благодать от Него́ приѣмшаго,/ Иринарха предивнаго пѣсньми хвалѣбными

почтiм/ и, к нему́ припадающе, умiльно глаголем:/ отче преподобне, моли Христа́ Бóга/ спасти́ся ду́шам на́шим.

Кондак октоиха, глас 6

Живоначальною длáнию, умёршыя от мрачных удóлий, Жизнодáвец воскресiв всéх Христóс Бóг, воскресéние подаде́ человéческому рóду: ёсть бо всéх Спаситель, Воскресéние и Живóт, и Бóг всéх.

[Конда́к Храма]

Сла́ва Отцу́ и Сы́ну и Свято́му Ду́ху.

Кондак Преподобнаго Иринарха Глас 2:

Волнénий мно́жество жесто́ким житиём преходя́,/ изгна́ние, затво́р и у́зы желе́зные претерпéл еси́ му́жески, Иринáрше терпеливоду́шне,/ нам оста́вль о́браз злострада́ния и терпéния твоего́,/ озаря́я чудéс блиста́ньми с véрою приходя́щих к честно́му грóбу твоему́,/ у него́же, я́ко по́честь побéдную, вери́ги твоя́ тяжкия́ ви́дим,/ от ни́же подае́ши исцелéния недужным./ Сего́ ра́ди зове́м ти:/ ра́дуйся, Иринáрше, отче предивный.

И ны́не и присно и во веки веков. Аминь.

Кондак Праздника Просвещенiя Глас 4:

Яви́лся еси́ днесь вселénней, / и свет Твой, Го́споди, зна́менася на нас, / в ра́зуме пою́щих Тя: / пришéл еси́ и яви́лся еси́, // Свет непристу́пный.

Диáкон: Го́споду помóлимся.

Хор: Го́споди, помíлуй.

Иерей: Я́ко Свят еси́, Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и присно.

Диáкон: Го́споди, спаси́ благочестiвья.

Хор: Го́споди, спаси́ благочестiвья.

Диáкон: И услы́ши ны.

Хор: И услы́ши ны.

Диáкон: И во ве́ки веко́в.

Хор: Ами́нь.

Трисвятóе:

Хор: Святы́й Бо́же, Святы́й Кре́пкий, Святы́й Безсме́ртный, помíлуй нас.

(Три́жды)

Сла́ва Отцу́ и Сы́ну и Свято́му Ду́ху и ны́не и присно и во ве́ки веко́в. Ами́нь.

Святы́й Безсме́ртный, помíлуй нас.

Святы́й Бо́же, Святы́й Кре́пкий, Святы́й Безсме́ртный, помíлуй нас.

Диáкон: Во́ннем.

Иерей: Мир всем.

Чтец: И ду́хови твоему́.

Диáкон: Прему́дрость.

Прокимен Недели По Просвещении, Глас 1:

Чтец: Прокимен, Глас первы́й,: Буди, Го́споди, ми́лость Твоя́ на нас/ я́коже упова́хом на Тя.

Хор: Буди, Господи, милость Твоя на нас/ якоже уповахом на Тя.

Чтец: Радуйтесь, праведнии, о Господе, / правым подобает похвала.

Хор: Буди, Господи, милость Твоя на нас/ якоже уповахом на Тя.

Прокимен Преподобнаго Иринарха, глас 7:

Чтец: Прокимен, глас седьмой: Честна пред Господем/ смерть преподобных его.

Хор: Честна пред Господем/ смерть преподобных его.

Чтение Апостола:

Диакон: Премудрость.

Чтец: Ко Ефесеем послания святаго апостола Павла чтение.

Диакон: Вбнем.

Чтение Неделя по Просвещении (Зачало 224, Еф.4:7-13):

Чтец: Братие, единому комуждо нас дадеся благодать по мере дарования Христова. Темже глаголет: возшед на высоту, пленил еси плен, и даде даяния человеком. А еже взыде, что есть, точию яко и сниде прежде в дольнейшыя страны земли? Сшедый, Той есть и возшедый превыше всех небес, да исполнит всяческая. И Той дал есть овы убо Апостолы, овы же пророки, овы же Благовестники, овы же пастыри и учителя, к совершению святых, в дело служения, в созидание Тела Христова, дондеже достигнем вси во единение веры и познания Сына Божия, в мужа совершенна, в меру возраста исполнения Христова.

Чтение Неделя 31-я на литургии. (Зачало 280, 1 Тим.1:15-17):

Чтец: Чадо Тимофее, верно слово и всякаго приятя достойно, яко Христос Иисус прииде в мир грешники спасти, от нихже первый есмь аз. Но сего ради помилован бых, да во мне первом покажет Иисус Христос все долготерпение, за образ хотящих веровати Ему в жизнь вечную. Царю же веков нетленному, невидимому, единому премудрому Богу, честь и слава во веки веков. Аминь.

Чтение Преподобнаго Иринарха(Зачало 213, Гал.5:22-6:2):

Чтец: Братие, плод духовный есть любы, радость, мир, долготерпение, благость, милосердие, вера, кротость, воздержание: на таковых несть закона. А иже Христовы суть, плоть распяша со страстьми и похотьми. Аще живем духом, духом и да ходим. Не бываем тщеславни, друг друга раздражающе, друг другу завидяще. Братие, аще и впадёт человек в некое прегрешение, вы духовнии исправляйте такового духом кротости: блюдыи себе, да не и ты искушен будеши. Друг друга тяготы носите, и тако исполните закон Христов.

Иерей: Мир ти.

Чтец: И духови твоему.

Диакон: Премудрость.

Аллилуарий Недели По Просвещении, Глас 5:

Чтец: Глас пятый: Аллилуия, аллилуия, аллилуия.

Хор: Аллилуия, аллилуия, аллилуия.

Чтец: Милости Твоя, Господи, во век воспую, / в род и род возвещу истину Твою усты моими.

Хор: Аллилу́ия, аллилу́ия, аллилу́ия.

Аллилуарий Преподобнаго Иринарха, глас 6:

Чтец: Аллилу́ия, глас шестый: Блажен муж, бойся Господа, / в заповедех Его восхо́щет зело́.

Хор: Аллилу́ия, аллилу́ия, аллилу́ия.

Диáкон: Благослови, влады́ко, благовестителя свята́го Апостола и Евангелиста Матфе́я

Иерей: Бог, молитвами свята́го, сла́внаго, всехва́льнаго Апостола и Евангелиста Матфе́я, да да́ст тебе́ глаго́л благовеству́ющему си́лою мно́гою, во исполне́ние Ева́нгелия возлю́бленнаго Сы́на Своего́, Го́спода на́шего Иису́са Христа́.

Диáкон: Аминь.

Второй диáкон: Премудрость, прости, услышим свята́го Ева́нгелия.

Иерей: Мир всем.

Хор: И ду́хови твоему́.

Диáкон: От Матфе́я Свята́го Ева́нгелия чтéние.

Хор: Сла́ва Тебе́, Го́споди, сла́ва Тебе́.

Второй диáкон: Вбнмем.

Чтение Евангелия:

Чтение - Неделя по Просвещению (зачало 8., Мф.4:12-17)

Диáкон: Во время оно, слышав Иисус, яко Иоанн предан бысть, отыде в Галилею, и оставль Назарет, пришед вселися в Капернаум в поморие, в пределех Завулоних и Неффалимлях. Да сбудется реченное Исаием пророком, глаголющим: земля Завулоня и земля Неффалимля, путь моря об он пол Иордана, Галилея язык, людие седящи во тме видеша свет велий, и седящим в стране и сени смертней, свет возсия им. Оттоле начат Иисус проповедати и глаголати: покайтесь, приближися бо Царство Небесное.

Чтение - Неделя 31-я на литургии. (зачало 93., Лк.18:35-43)

Диáкон: Во время оно, егда приближися Иисус во Иерихон, слепец некий седяше при пути прося. Слышав же народ мимоходящ, вопрошаше: что убо есть сие? Поведаша же ему, яко Иисус Назарянин мимоходит. И возопи, глаголя: Иисусе Сыне Давидов, помилуй мя. И предидущии прещаху ему, да умолчит, он же паче множае вопияше: Сыне Давидов, помилуй мя. Став же Иисус повеле привести его к Себе. Приблизшу же ся ему к Немю, вопроси его, глаголя: что хочещи, да ти сотворю? Он же рече: Господи, да прозрю. Иисус же рече ему: прозри, вера твоя спасе тя. И абие прозре, и во след Его идяше, слава Бога. И вси людие видевше воздаша хвалу Богу.

Чтение Преподобнаго Иринарха(зачало 24., Лк.6:17-23А)

Диáкон: Во время оно, ста Иисус на месте равне, и народ ученик Его, и множество много людей от всея Иудеи и Иерусалима, и помория Тирска и Сидонска, иже приидоша послушати Его и исцелитися от недуг своих, и страждущии от дух нечистых, и исцеляхуся. И весь народ искаше прикасатися Ему, яко сила от Него исхождаше, и исцеляше вся. И той возвед очи свои на ученики своя, глаголаше: блажени нищии духом, яко ваше есть Царствие Божие. Блажени, алчущии ныне, яко насытитесь. Блажени, плачущии ныне, яко возсмеетесь. Блажени будете, егда возненавидят вас человецы, и егда разлучат вы и поносят, и пронесут имя ваше яко зло, Сына Человеческаго ради. Возрадуйтеся в той день и възграйте, се бо мзда ваша многа на небеси.

Хор: Сла́ва Тебе́, Го́споди, сла́ва Тебе́.

Ектения сугубая:

Диáкон: Рцём вси от всея души, и от всего помышления нашего рцем.

Хор: Гóсподи, помíлуй.

Диáкон: Гóсподи Вседержителю, Бóже отец наших, молим Ти ся, услыши и помíлуй.

Хор: Гóсподи, помíлуй.

Диáкон: Помíлуй нас, Бóже, по велицей милости Твоей, молим Ти ся, услыши и помíлуй.

Хор: Гóсподи, помíлуй. *(Трижды, на каждое прошение)*

Диáкон: Ещё молимся о Великом Господине и Отце нашем Святейшем Патриархе **(Имярек)**, и о Господине нашем Высокопреосвященнейшем митрополите (или: архиепископе, или: преосвященнейшем епископе **имярек**), и всей во Христе братии нашей.

Ещё молимся о Богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о братьях наших, священниках, священномонахах, и всем во Христе братстве нашем.

Ещё молимся о блаженных и приснопамятных создателях святого храма сего, и о всех преждепочивших отцах и братьях, где лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Ещё молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебя великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: АМѢНЬ.

Ектенiя об оглашенных:

Диáкон: Помолитесь, оглашенные, Господеву.

Хор: Гóсподи, помíлуй. *(На каждое прошение)*

Диáкон: Вѣрнии, о оглашенных помóлимся, да Господь помíлуе их.

Огласит их словом истины.

Откроет им Евангелие правды.

Соединит их святей Своей соборней и апостольстей Церкви.

Спаси, помíлуй, заступи и сохрани их, Бóже, Твоею благодатью.

Оглашенные, главы ваша Господеву приклоните.

Хор: Тебѣ, Гóсподи.

Иерей: Да и ти с нами славят пречестное и великолепое имя Твое, Отца, и Сына, и Святого Духа, ныне и присно, и во веки веков.

Хор: АМѢНЬ.

Ектенiя вѣрных, первая:

Диáкон: Елицы оглашенные, изыдите, оглашенные, изыдите, елицы оглашенные, изыдите, да никто от оглашенных, елицы вѣрнии, паки и паки миром Господу помóлимся.

Хор: Гóсподи, помíлуй.

Диáкон: Заступи, спаси, помíлуй и сохрани нас, Бóже, Твоею благодатью.

Хор: Гóсподи, помíлуй.

Диáкон: Премудрость.

Иерей: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Хор: Амѣнь.

Ектенiя вѣрных, вторая:

Диáкон: Паки и паки, миром Господу помóлимся.

Хор: Господи, помилуй. (На каждое прошение)

Диáкон: О свѣшнемъ мирѣ и спасенiи душъ нашихъ, Господу помóлимся.

О мирѣ всего мира, благостоянiи святыхъ Божиихъ церквей и соединенiи всехъ, Господу помóлимся.

О святѣмъ храмѣ семъ и с вѣрою, благоговѣниемъ и страхомъ Божиимъ входящихъ в оный, Господу помóлимся.

О избавитися намъ от всякаго скорби, гнѣва и нужды, Господу помóлимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диáкон: Премудрость.

Иерей: Яко да под державою Твоею всегда храними, Тебѣ славу возсылаемъ, Отцу, и Сыну, и Святому Духу, ныне и присно, и во веки вековъ.

Хор: Амѣнь.

Херувимская песнь:

Хор: Иже Херувимы тайно образующе и животворящей Троице Трисвятую песнь припевающе, всякое ныне житѣйское отложимъ попеченiе.

Великий вход:

Диáкон: Великаго господина и отца нашего **(Имярек)**, Святѣйшаго Патриарха всея Руси, и господина нашего (Высоко-) Преосвященнейшаго **(имярек)**, (архи-)Епископа (митрополита (титул)), да помянетъ Господь Богъ во Царствii Своѣмъ всегда, ныне и присно, и во веки вековъ.

Иерей: Преосвященныя митрополиты, архиепископы и епископы, и весь священнический и монашеский чин, и причетъ церковный, братию святяго храма сего, всехъ васъ, православныхъ христиán, да помянетъ Господь Богъ во Царствii Своѣмъ, всегда, ныне и присно, и во веки вековъ.

Хор: Амѣнь. Яко да Царя всехъ поды́мемъ, ангельскими невидимо дориносима чинми. Аллилуиа, аллилуиа, аллилуиа.

Ектенiя просительная:

Диáкон: Исполнимъ молитву нашу Господеву.

Хор: Господи, помилуй. (На каждое прошение)

Диáкон: О предложенныхъ Честныхъ Дарѣхъ, Господу помóлимся.

О святѣмъ храмѣ семъ, и с вѣрою, благоговѣниемъ и страхомъ Божиимъ входящихъ в оный, Господу помóлимся.

О избавитися намъ от всякаго скорби, гнѣва и нужды, Господу помóлимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диáкон: Дне всего совершенна, свята, мирна и безгрѣшна у Господа прóсимъ.

Хор: Подáй, Господи. (На каждое прошение)

Диáкон: Ангела мирна, вѣрна наставника, хранителя душъ и телесъ нашихъ, у Господа прóсимъ.

Прощенiя и оставленiя греховъ и прегрешенiй нашихъ у Господа прóсимъ.

Добрыхъ и полезныхъ душамъ нашимъ и мира мiрову у Господа прóсимъ.

Прóчее время животá нашего в мiре и покаянiи скончати у Господа прóсимъ.

Христиánския кончины животá нашего, безболѣзненны, непостыдны, мирны и добраго отвѣта на Страшнемъ Судищи Христóве прóсимъ.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебѣ, Господи.

Иерей: Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: АМѢНЬ.

Иерей: Мир всем.

Хор: И духови твоему.

Диакон: Возлюбим друг друга, да единомыслием исповемы.

Хор: Отца, и Сына, и Святаго Духа, Троицу единосущную и нераздельную.

Диакон: Двери, двери, премудростию вондем.

Символ веры:

Люди: Вѣрую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единороднаго, Иже от Отца рожденнаго прежде всех век. Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. АМѢНЬ.

Евхаристический Канон:

Диакон: Станем добре, станем со страхом, вондем, святое возношение в мире приносити.

Хор: Милость мира, жертву хваления.

Иерей: Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.

Хор: И со духом твоим.

Иерей: Горѣ имѣим сердца.

Хор: И мамы ко Господу.

Иерей: Благодарим Господа.

Хор: Достойно и праведно есть поклоняться Отцу и Сыну, и Святому Духу, Троице единосущней и нераздельней.

Иерей: Победную песнь поюще, вопиюще, взывающе и глаголюще.

Хор: Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

Иерей: Примите, ядите, сие есть Тело Моѣ, еже за вы ломимое во оставление грехов.

Хор: АМѢНЬ.

Иерей: Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

Хор: АМИНЬ.

Иерей: Твоя от Твоих Тебе приносяще, о всех и за вся.

Хор: Тебе поем, Тебе благословим, Тебе благодарим, Господи, и молим Ти ся, Боже наш.

Иерей: Изрядно о Пресвятей, Пречистой, Препоблагословенней, Славней Владычице нашей Богородице и Приснодеве Марии.

Вместо "Достойно..."

Припев: Величай, душе моя, / честнейшую горних воинств, // Деву Пречистую Богородицу.

И ирмос: *Недоумет всяк язык благохвалити по достоянию, / изумевает же ум и премирный пети Тя, Богородице, / обаче, Благая сущи, веру приими, / ибо любовь веси Божественную нашу: // Ты бо христиан еси Предстательница, Тя величаем.*

Иерей: В первых помяни, Господи, великаго господина и отца нашего (Имярек), Святейшаго Патриарха всея Руси, и господина нашего (Высоко-) Преосвященнейшаго (имярек), (архи-)епископа (митрополита (титул)), ихже даруй святым Твоим церквам, в мире, целых, честных, здравых, долгоденствующих, право правящих слово Твоея истины.

Хор: И ВСЕХ, И ВСЯ.

Иерей: И даждь нам едиными усты и едином сердцем славити и воспевати пречестное и великолепое имя Твое, Отца, и Сына, и Святаго Духа, ныне и присно, и во веки веков.

Хор: АМИНЬ.

Иерей: И да будут милости великаго Бога и Спаса нашего Иисуса Христа со всеми вами.

Хор: И со ДУХОМ ТВОИМ.

Ектения просительная:

Диакон: Вся святыя помянуvше, паки и паки миром Господу помолимся.

Хор: Господи, помилуй. *(На каждое прошение)*

Диакон: О принесенных и освященных Честных Дарех, Господу помолимся.

Яко да человеколюбец Бог наш, прием я во святый и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа прбсим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа прбсим.

Прощения и оставления грехов и прегрешений наших у Господа прбсим.

Добрых и полезных душам нашим и мира миру у Господа прбсим.

Прочее время животá нашего в мире и покаянии скончати у Господа прбсим.

Христианския кончины животá нашего, безболезнены, непостыдны, мирны и добраго отвѣта на Страшнем Судийци Христове прбсим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

Хор: Тебѣ, Господи.

Иерей: И сподоби нас, Владыко, со дерзновением, неосужденно смѣти призывать Тебѣ, Небеснаго Бога Отца, и глаголати:

Молитва Господня:

Люди: Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Ами́нь.

Иерей: Мир всем.

Хор: И духови твоему.

Диакон: Главы ваша Господеви приклоните.

Хор: Тебѣ, Господи.

Иерей: Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Ами́нь.

Диакон: Вонмем.

Иерей: Свята́я святы́м.

Хор: Един свят, / един Господь, / Иисус Христос, / во славу Бога Отца. / Ами́нь.

Причастен воскресный :

Хвалите Господа с небес, хвалите Его в вышних.

Причастен Преподобнаго Иринарха

В память вечную будет праведник, / от слуха зла не убоится.

Аллилу́ия. (Трижды)

Причастие:

Диакон: Со страхом Божиим и верою приступите.

Хор: Благословен Грядый во имя Господне, Бог Господь и явися нам.

Иерей: Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Ами́нь.

Вечери Твоея тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или во осуждение будет мне причастие Святы́х Твои́х Таин, Господи, но во исцеление души и тела.

Во время Причащения людей:

Хор: Тело Христово примите, Источника безсмертнаго вкусите.

После Причащения людей:

Хор: Аллилу́ия, аллилу́ия, аллилу́ия.

Иерей: Спаси, Бо́же, лю́ди Твоя, и благослови́ достойние Твое.

Хор: Ви́дехом свет и́стинный, / прияхом Ду́ха Небеснаго, / обрето́хом ве́ру и́стинную, / неразде́льней Трои́це поклоняе́мся, // Та бо нас спасла́ есть.

Иерей: Всегда́, ны́не и прісно, и во ве́ки веко́в.

Хор: Ами́нь. Да испо́лнятся уста́ наша / хваления Твоего́ Го́споди, / я́ко да поём сла́ву Твою́, / я́ко сподо́бил еси́ нас причасті́тися / Святы́м Твои́м, Божественным, безсмертным и животворящим Та́инам, / соблюди́ нас во Твоей святы́ни / весь день поуча́тися пра́вде Твоей. // Аллилу́иа, аллилу́иа, аллилу́иа.

Ектенія заключительная:

Диакон: Прости́ прии́мше Божественных, святы́х, пречистых, безсмертных, небесных и животворящих, стра́шных Христо́вых Та́ин, досто́йно благодарим Го́спода.

Хор: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твоею́ благода́тию.

Хор: Го́споди, поми́луй.

Диакон: День весь соверше́н, свят, ми́рен и безгре́шен испроси́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Ты еси́ освяще́ние наше, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Хор: Ами́нь.

Иерей: С ми́ром изы́дем.

Хор: О́ имени Госпо́дни.

Диакон: Го́споду помóлимся.

Хор: Го́споди, поми́луй.

Заамво́нная моли́тва:

Иерей: Благословля́яй благословя́щия Тя, Го́споди, и освяща́яй на Тя упова́ющия, спаси́ лю́ди Твоя́ и благослови́ достойние Твое, исполне́ние Це́ркве Твоея́ сохрани́, освяти́ любя́щия благоле́пие до́му Твоего́: Ты тех возпросла́ви Божественною́ Твоею́ си́лою, и не оста́ви нас, упова́ющих на Тя. Мир мирови Твоему́ да́руй, це́рквам Твои́м, священником, во́инству и всем лю́дем Твои́м. Я́ко всякое да́ние бла́го, и всяк дар соверше́н свы́ше есть, сходя́й от Тебе́ Отца́ све́тов, и Тебе́ сла́ву, и благодарене́е, и поклонене́е возсыла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Хор: Ами́нь. Бу́ди Имя Госпо́дне благослове́но от ны́не и до ве́ка. *(Трижды)*

Псалом 33:

Хор: Благословлю́ Го́спода на всякое вре́мя, / вы́ну хвала́ Его́ во устéх мойх. / О Го́споде похва́лится душа́ моя́, / да услы́шат кро́тцыи, и возвеселя́тся. / Возвели́чите Го́спода со мно́ю, / и вознесём Имя́ Его́ вку́пе. / Взыска́х Го́спода, и услы́ша мя, / и от все́х скорбе́й мойх изба́ви мя. / Приступите́ к Нему́, и просвети́тся, / и лица́ ва́ша не посты́дятся. / Сей ни́щій воззва́, и Госпо́дь

услы́ша и,/ и от все́х скорбе́й его́ спасе́ и./ Ополчи́тся а́нгел Госпо́день о́крест бо́ящихся Его́,/ и изба́вит их./ Вкуси́те и ви́дите, я́ко благ Госпо́дь:/ блаже́н муж, и́же упова́ет Нань./ Бо́йтеся Го́спода, вси́ святы́и Его́,/ я́ко несть лишени́я бо́ящимся Его́./ Богáтии обнища́ша и взалка́ша:/ взыска́ющии же Го́спода не лишáтся вся́каго блага́./ Прииди́те, ча́да, послу́шайте мене́,/ стра́ху Госпо́дню научу́ вас./ Кто́ есть челове́к хотя́й живо́т,/ любя́й дни ви́дети блага́и?/ Удержи́ язы́к твой от зла́,/ и устне́ твои́, е́же не глаго́лати лъсти./ Уклони́ся от зла́ и сотвори́ благо́./ Взыщи́ ми́ра, и поже́ни и́./ Очи Госпо́дни на пра́ведныя,/ и у́ши Его́ в моли́тву их./ Лице́ же Госпо́дне на творя́щия зла́я,/ е́же потреби́ти от земли́ па́мять их./ Воззва́ша пра́веднии, и Госпо́дь услы́ша их,/ и от всех скорбе́й их изба́ви их./ Близ Госпо́дь сокруше́нных се́рдцем,/ и смире́нныя ду́хом спасе́т./ Мно́ги ско́рби пра́ведным,/ и от всех их изба́вит я́ Госпо́дь./ Храни́т Госпо́дь вся́ ко́сти их,/ ни еди́на от них сокруши́тся./ Смерть грешни́ков люта́,/ и ненави́дящии пра́веднаго прегрешáт./ Изба́вит Госпо́дь ду́шы раб Свои́х,/ и не прегрешáт// вси́, упова́ющии на Него́.

Иерей: **Благослове́ние Госпо́дне на ва́с, Того́ благода́тию и человеколю́бием, всегда́, ны́не и при́сно, и во ве́ки веко́в.**

Хор: **Ами́нь.**

Иерей: **Сла́ва Тебе́, Христе́ Бо́же, упова́ние на́ше, сла́ва Тебе́.**

Хор: **Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.**

Го́споди, помилуй. (Три́жды)

Благослови́.

Отпу́ст:

Иерей: **Воскресы́й из ме́ртвых, Христо́с, и́стинный Бог наш, моли́твами пречи́стыя Своея́ Ма́тере, и́же во святы́х ...**

Многоле́тие:

Моли́тва Преподо́бнаго Иринарха

О вели́кий уго́днице Бо́жий и пресла́вный чудотво́рче, преподо́бне о́тче наш Иринарше! При́зри на ны́, грешны́я, в ско́рбех и обстоя́ниих на́ших усер́дно к тебе́ вопию́щия и на тя́ по Бо́зе все́ упова́ние на́ше возлага́ющий. Про́сим тя́ со умиле́нием мно́гим: твои́м предета́тельством ко Го́споду Бо́гу испроси́ нам мир, долгоде́нствие, братолю́бие, земли́ плодоно́сие, возду́ха благорастворе́ния, дожди́ благовре́менны и свы́ше благослове́ние на вся́ начинáния на́ша блага́я. Изба́ви же всех нас святы́ми твои́ми моли́твами от вся́ких бед: гла́да, гра́да, пото́па, огня́, мечá, вредоно́снаго че́рвия, тлетво́рных ветро́в, смертоно́сный я́звы и напрáсныя сме́рти, и во вся́ких ско́рбех на́ших буди́ нам утешите́ль и помо́щник, сохра́няя ны́ от паде́ний грехо́вных и сподобля́я насле́дники бы́ти Ца́рствия Небе́снаго, да прославля́ем вку́пе с тобо́ю всех благо́их Подáтеля, Триеди́наго Бо́га Отца́, и Сы́на, и Свята́го Ду́ха во ве́ки веко́в. Ами́нь.

Полезная информация относительно Преподобного Иринарха

Преподобный Иринарх

Затворник Ростовский, во святом Крещении Илия, родился в июне 1548 года в селе Кондаково, в 43 верстах от Ростова Великого. Он был третьим сыном в благочестивой крестьянской семье Акиндина и Ирины. С раннего детства в мальчике обнаружилось стремление к монашеской жизни: в детских играх он не участвовал, но старался сдерживать свои желания и во всем ограничивать себя. Шестилетний Илия однажды сказал матери: «Как вырасту, так постригусь и стану монахом; буду носить на себе железа и трудиться ради Бога...» С юных лет Илия мечтал подражать подвигам преподобного Макария Калязинского (†1483; память 17 марта и 26 мая), тайно носившего тяжелые вериги, житие которого услышал от приходского священника Василия.

Когда в округе случился голод, восемнадцатилетний Илия отправился на заработки в Нижний Новгород. После кончины отца, о которой он был извещен свыше, Илия вместе с матерью и старшим братом Андреем переселился в Ростов Великий. Здесь родные Илии стали вести торговлю, но Илия тяготился мирскими заботами и находил утешение в чтении Священного Писания. Стремление уйти в монастырь окончательно окрепло. В 1578 году, испросив благословение матери, Илия ушел в Борисоглебский монастырь на реке Устье близ Ростова Великого, где принял постриг с именем Иринарх.

Игумен монастыря благословил Иринарха жить под руководством опытного старца и назначил ему послушание в пекарне. С первых дней монашеской жизни преподобный Иринарх отказался от своей воли и смиренно предал себя во власть братии; первым приходил он на церковные службы, ни с кем не разговаривал в храме, благоговейно стоял во время богослужения и никогда не уходил прежде отпуска.

Однажды преподобный Иринарх увидел в монастыре босого странника. Сжалившись, он отдал ему свои сапоги, а сам с тех пор не надевал обуви. Вместо рясы Иринарх носил рубище, за что претерпевал насмешки. Игумен стал давать ему суровые послушания. Преподобный Иринарх все переносил с благодушным терпением, но когда ему назначили послушание вне монастыря, то есть лишили церковной молитвы, он ушел в Ростов Великий, в Богоявленский монастырь, основанный преподобным Авраамием Ростовским (1073 – 1077; память 29 октября).

В Авраамиевом монастыре преподобный Иринарх был назначен келарем и около шести месяцев с усердием исполнял порученное послушание. Однажды, во время пения Херувимской, преподобный Иринарх громко зарыдал. На вопрос архимандрита он ответил: «Мать моя преставилась!» Оставив Авраамиев монастырь, преподобный перешел в Ростовский монастырь праведного Лазаря (память 17 октября и в Лазареву субботу). Там преподобный Иринарх поселился в тесной келлии, где три с половиной года омывал свою душу слезами, очищал молитвой и строгим постом. Он начал носить на себе тяжелые железные вериги. В Лазаревом монастыре его часто посещал блаженный Иоанн, Христа ради юродивый, по прозванию Большой Колпак (†1589; память 3 июля), который предрек преподобному Иринарху

достижение высокого духовного совершенства.

По повелению явившихся в сонном видении святых страстотерпцев Бориса и Глеба (†1015; память 2 мая и 24 июля), преподобный Иринарх вернулся в Борисоглебский монастырь, где его с радостью встретил новый игумен Варлаам.

Однажды, молясь пред иконой Спасителя и вопрошая Господа о том, как ему спастись, Иринарх услышал слова: «Иди в келлию свою, и будь затворник, и не исходи, и так спасешься». Познав волю Божию, преподобный Иринарх затворился в тесной келлии, где приковал себя железными цепями.

Преподобный Иринарх стал носить множество медных крестов, со временем их число возрастало; на голову подвижник надевал тяжелый обруч. Спал он на голом полу не более трех часов в сутки, остальное время посвящал молитве и трудам: вязал «свитки» (широкие верхние одежды), делал клобуки, шил одежду для нищих. Полученное подаяние он раздавал бедным. Некоторые иноки стремились подражать подвигам святого, но нашлись и завистники, которые оклеветали его перед игуменом. Преподобный Иринарх вынужден был удалиться в монастырь праведного Лазаря, но через год игумен раскаялся и уговорил его вернуться.

Тяжкими и долгими подвигами духовное зрение преподобного Иринарха очистилось для принятия Божественных откровений. Однажды в тонком сне он увидел разорение Москвы польско-литовским воинством. По повелению игумена преподобный Иринарх отправился в Москву и возвестил о том царю Василию Иоанновичу Шуйскому (1606 – 1610). После возвращения из столицы он вновь затворился в своей келлии и стал усердно молиться о спасении Русской земли.

Во время польско-литовской интервенции захватчики несколько раз приходили в Борисоглебский монастырь, и всякий раз преподобный Иринарх безбоязненно обличал греховность их действий и убеждал оставить пределы Российские. Польский полководец Сапега, желая увидеть святого подвижника, приехал в Борисоглебский монастырь. После беседы с преподобным Иринархом Сапега сказал: «Я такого батька нигде не нашел: ни здесь, ни в иных землях...» – и велел не разорять обитель. Святого Иринарха посещали и другие польские военачальники. Один из них, Иван Каменский, по совету старца вместе со своим отрядом вернулся в Польшу. Сапега же и другие, пренебрегшие советами преподобного Иринарха, сложили свои головы на Русской земле. В тяжелое лихолетье Смутного времени преподобный Иринарх вдохновлял соотечественников на ратный подвиг, вселял в них уверенность в победе русского оружия. Он благословил приезжавших к нему воевод Скопина Шуйского, Минина и князя Дмитрия Пожарского и предсказал им победу: «Увидите над собой славу Божию». Для поддержки надежды на милость Господа преподобный посылал им просфоры и свои кресты. После освобождения Москвы князь Дмитрий Михайлович Пожарский в благодарность за помощь освободил Борисоглебский монастырь и поселян вокруг него от сборов на ополчение.

30 лет провел преподобный Иринарх в строгом затворе. Господь еще в этой жизни прославил его дарами прозорливости и чудотворений. Многие больные и одержимые по его молитве получали исцеления. Ему был открыт день кончины, и он, призвав своих учеников Александра и Корнилия, преподал им последнее наставление: «...проводите свою жизнь в трудах и молитве, посте и бдении.... во взаимной любви... оказывая всем послушание и покорность...»

После кончины преподобного Иринарха (†1616) исцеления совершались от возложения на больных его вериг и многочисленных медных крестов, а также от прикладътания к больным местам земли с могилы святого.

Житие и чудеса преподобного Иринарха-затворника описаны его учеником – иноком Борисоглебского монастыря Александром, который подвизался с преподобным в течение 30 лет

Память преподобного Иринарха совершается также 23 мая – в день празднования Собора Ростово-Яроских (установлено решением Святейшего Патриарха Алексия и Священного Синода Русской Православной Церкви 10 марта 1964 года)